



107 ideja  
**mladih**  
za bolje sutra



Dragi čitaoci,

Pred Vama je brošura puna ideja srednjoškolaca iz 107 srednjih škola iz 43 bh. grada. Svaka ideja ima samo jedan cilj: unapređenje lokalne zajednice.

Pozivamo Vas da ih pročitate i podržite, te na taj način doprinesete povjerenju mladih u svoju državu, svoju općinu/opštinu kako bismo smanjili odlazak mladih iz Bosne i Hercegovine.

Za sve kontakte molimo obratite se nama u INFOHOUSE-u sa zadovoljstvom ćemo upriličiti susret sa mladima čija Vam se ideja najviše dopala.

U ime INFOHOUSE tima

Dalila Bavčić,

koordinatorka projekta VOLONTIRAJ KREDITIRAJ.

Драги читаоци,

Пред Вама је брошура пуна идеја средњошколаца из 107 средњих школа из 43 бх. града. Свака идеја има само један циљ: унапређење локалне заједнице.

Позивамо Вас да их прочитате и подржите, те на тај начин допринесете повјерењу младих у своју државу, своју опћину/општину како бисмо смањили одлазак младих из Босне и Херцеговине.

За све контакте молимо обратите се нама у ИНФОХОУСЕ-у са задовољством ћемо упрличити сусрет са младима чија Вам се идеја највише допала.

У име ИНФОХОУСЕ тима

Далила Бавчић,

координаторица пројекта ВОЛОНТИРАЈ КРЕДИТИРАЈ.

**VI NISTE SAMI - MI SMO UZ VAS** | Grad: **Banja Luka** | Škola: **JU Centar za obrazovanje i vaspitanje i rehabilitaciju slušanja i govora** | Oblast: **Humanitarni rad** | Budžet projekta: **800 KM** | Udio iz Fonda Socijalni dan: **700 KM**

**O projektu** Ovim projektom učenici žele pomoći starim licima koja borave u Socijalno-gerijatrijskom centru u Banjoj Luci. Aktivnosti koje su predviđene ovim projektom su: kreativna radionica (učesnici: stara lica, članovi veziljske sekcije škole, članovi savjeta roditelja škole), prigodna priredba, podjela higijenskih paketića starim licima i podjela voća i sokova.

**Cilj projekta** je podizanje svijesti učenika o humanitarnom i volonterskom radu, kao i pomoći i pružiti pažnju starim licima i pokazati im da nisu sami. Jedan od ciljeva ovog projekta je također i podsticanje lokalne zajednice i odgovornih institucija na veću pomoć starim licima u domovima i van njih.

**7 - 107** | Grad: **Banja Luka** | Škola: **Ekonomska škola** | Oblast: **Ekologija, kultura, sport, humanitarni rad** | Budžet projekta: **350 KM** | Udio iz Fonda Socijalni dan: **230 KM**

**O projektu** Učenici ove škole organizovat će posjetu Socijalno gerijatrijski centar u Banjoj Luci tokom koje će se upoznati i sprijateljiti sa korisnicima centra. Nakon toga učenici će organizovati različite vrste mini takmičenja iz oblasti sporta, umjetnosti i ekološkog aktivizma za njegove korisnike.

**Cilj projekta** je podići svijest o volonterizmu i humanitarnom radu kod srednjoškolaca, organizovati prijatno druženje na obostrano zadovoljstvo (srednjoškolci – korisnici SGCBL), poslužiti kao pozitivan primjer ostalima.

## OBROK TOLERANCIJE | Grad: Banja Luka | Škola: Opća gimnazija Katoličkog školskog centra u Banjoj Luci |

Oblast: **Humanitarni rad i kultura** | Budžet projekta: **4.500 KM** | Udio iz Fonda Socijalni dan: **1.500 KM**

**O projektu** Kroz ovaj projekt učenici će organizovati jednodnevnu manifestaciju tokom koje će se različite kulture predstaviti i upoznavati kroz nacionalna jela i sl. Pozivnica za učešće u ovom događaju bit će upućena i predstavnicima nacionalnih manjina, a prikupljena i izložena hrana podijelit će se siromašnim građanima. Učenici će težiti da ova manifestacija postane tradicija škole.

**Cilj projekta** Upoznavanje različitih kultura i običaja putem jednodnevne prezentacije jela karakterističnih za pojedine nacionalne kuhinje; uvezivanje Katoličkog školskog centra sa lokalnom zajednicom; Promovisanje volonterizma i humanitarnog rada kroz podjelu izloženih jela najugroženijim kategorijama stanovništva.

## ZAJEDNO ZA SIGURNO DJETINJSTVO | Grad: Banja Luka | Škola: Elektrotehnička škola "Nikola Tesla" |

Oblast: **Humanitarni rad i ekologija** | Budžet projekta: **1.920 KM** | Udio iz Fonda Socijalni dan: **1.240 KM**

**O projektu** Učenici ove škole provest će projekat čijim aktivnostima će obezbijediti siguran boravak posjetilaca na dječijem igralištu. U svrhu ostvarivanja cilja projekta, bit će organizovana akcija sađenja žive ograde oko igrališta. U akciji će sudjelovati i stanari okolnih zgrada, čija se djeca svaki dan igraju u tom igralištu i stalno su izložena opasnostima saobraćaja.

**Cilj projekta** Obezbijediti siguran boravak na dječijem igralištu i sigurno djetinjstvo djeci iz naselja Rosulje, kako ne bi svakodnevno bili izloženi mogućim povredama ili eventualno još gorim ishodima.

**VIDI, PREPOZNAJ, PROMIJENI** | Grad: Banja Luka | Škola: JU Građevinska škola | Oblast: Neformalno obrazovanje | Budžet projekta: 5.500 KM | Udio iz Fonda Socijalni dan: 1.500 KM

**O projektu** Projekat je osmišljen kao trodnevni seminar na kojem će tridesetak učesnika iz različitih opština u BiH usvojiti znanje iz oblasti: (anti)diskriminacija, (ne)tolerancija i govor mržnje a koji će nakon seminara tokom šest mjeseci imali priliku prezentovati usvojena znanja u lokalnoj zajednici. Na kraju projekta učesnici seminara i korisnici će zajedno odabrati rješenja koja su najprihvatljivija za borbu protiv diskriminacije, netolerancije i govora mržnje, te će na taj način uticati na vlasti, tj. nadležne organe i njihovo učešće u borbi protiv ovih "poroka" društva.

**Cilj projekta** Projekat je zamišljen kao vrsta kampanje koja bi se vodila u lokalnim zajednicama, što bi za konačni cilj imalo smanjenje stope diskriminacije i umrežavanje mladih ljudi.

**UČIMO ZAJEDNO** | Grad: Banja Luka | Škola: JU Medicinska škola | Oblast: Neformalno obrazovanje i kultura | Budžet projekta: 1.550 KM | Udio iz Fonda Socijalni dan: 1.250 KM

**O projektu** Namjera ovog projekta jeste podstaći razmjene učenika između Medicinske škole Banja Luka i Medicinske škole Sarajevo. Ukupno 20 učenika dobit će mogućnost otići na dvodnevnu razmjenu učenika u drugi grad, u kojem će imati "domaćina" koji će im osigurati smještaj i brinuti se o aktivnostima tokom njihovog boravka. Gosti će moći upoznati grad, boraviti na redovnoj nastavi u domaćinskoj školi, te sa domaćinima učestvovati na dvočasovnoj radionici o pomirenju, suzbijanju predrasuda i stereotipa.

**Cilj projekta** je prevazilaženje predrasuda zasnovanih na vjerskoj pripadnosti i porijeklu, smanjenje broja mladih koji pate od straha napuštanja granica jedog od entiteta, smanjenje stope nasilja među mladima, postizanje razmjene srednjoškolaca na nivou Banja Luka – Sarajevo, te jačanje svijesti o zajedničkim ciljevima koje imamo kao ljudska bića, građani ove države.

**BLEKO** | Grad: **Banja Luka** | Škola: **Poljoprivredna škola Banja Luka** | Oblast: **Ekologija** | Budžet projekta: **2.270 KM** | Udio iz Fonda Socijalni dan: **820 KM**

**O projektu** Aktivnosti ovog projekta prvenstveno su usmjerene na problem ekološki uzgojene hrane. Učenici ovim projektom žele upoznati građane Banja Luke sa prevencijom zdravlja, te ih podstaći da daju doprinos poboljšanju podizanja ekološke svijesti. Centralna aktivnost projekta je "Sajam zdrave ishrane BLEko 2013".

**Cilj projekta** je stvoriti dodatni doprinos u podsticaju domaćoj privredi za povećanje proizvodnje i poboljšanje kvaliteta domaćih proizvoda. Učenici žele što veći broj ljudi u lokalnoj zajednici upoznati sa posljedicama današnjeg brzog načina života i nezdrave ishrane. Također, učesnici će razviti svijest o pojmu ekologija i zašto je bitno da svoj život što više prilagode ekološkom načinu života.

## PRIPREMA MLADIH LJUDI PRILIKOM TRAŽENJA POSLA I PROFESIONALNOG

**USMJERAVANJA** | Grad: **Banja Luka** | Škola: **Srednjoškolski centar "Gemit - Apeiron"** | Oblast: **Neformalno obrazovanje** | Budžet projekta: **600 KM** | Udio iz Fonda Socijalni dan: **300 KM**

**O projektu** Priprema mladih ljudi prilikom traženja posla i profesionalnog usmjerenja je projekat koji će pomoći mladim ljudima u traženju posla ili ukoliko se odluče da studiraju da lakše odaberu fakultet koji će studirati.

**Cilj projekta** Opšti cilj projekta je smanjiti nezaposlenost mladih ljudi podsticanjem njihove kreativnosti, razvijanjem i povećavanjem njihove motivacije za poslom i radom.

**Posebni ciljevi** su povećati kreativnost kod mladih i motivaciju za radom i povećati informisanost i svijest mladih ljudi o vrstama obrazovanja i zanimanja, o vlastitim potrebama i odgovornostima prema svojoj zajednici i društvu.

**AKTIVIRAJ SE, RAZVIJAJ SE** | Grad: **Banja Luka** | Škola: **Srednja tehnološka škola** | Oblast: **Sport** | Budžet projekta: **7.500 KM** | Udio iz Fonda Socijalni dan: **1.500 KM**

**O projektu** Jedan od najvećih problema današnjice je nezainteresovanost mladih za bavljenje fizičkim aktivnostima, kao i nedostatak uslova za to.

**Cilj projekta** Ukazati na važnost problema sa kojima se susreće naša okolina kao i poboljšanje uslova koji bi doveli do veće zainteresovanosti mladih za bavljenje fizičkim aktivnostima. Jedan od ciljeva je također i razvoj psihomotoričke sposobnosti kod djece i mladih.

**ZAŠTITI SE!** | Grad: **Bijeljina** | Škola: **Tehnička škola "Mihajlo Pupin"** | Oblast: **Neformalno obrazovanje** | Budžet projekta: **1.050 KM** | Udio iz Fonda Socijalni dan: **950 KM**

**O projektu** Projekat je zamišljen kao seminar na kojem će mladi iz BiH imati mogućnost da se edukuju o značaju prevencije na praktičnoj nastavi. Uključit ćemo 20 učenika iz 10 stručnih škola u BiH i provesti predavanja na temu "Zaštita na časovima praktične nastave".

**Cilj projekta** Podići nivo sigurnosti i informisanosti učenika o opasnostima i odgovornosti na časovima praktične nastave.



**ZAIGRAJ SRCEM** | Grad: **Bijeljina** | Škola: **Poljoprivredna i medicinska škola** | Oblast: **Humanitarni rad** | Budžet projekta: **890 KM** | Udio iz Fonda Socijalni dan: **740 KM**

**O projektu** Projekat je zamišljen kao seminar na kojem će mladi iz BiH imati mogućnost da se edukuju o značaju prevencije na praktičnoj nastavi. Uključit ćemo 20 učenika iz 10 stručnih škola u BiH i provesti predavanja na temu "Zaštita na časovima praktične nastave".

**Cilj projekta** Podići nivo sigurnosti i informisanosti učenika o opasnostima i odgovornosti na časovima praktične nastave.

**IGROM ZA ŽIVOT** | Grad: **Bijeljina** | Škola: **Gimnazija "Filip Višnjić"** | Oblast: **Sport, kultura, humanitarni rad** | Budžet projekta: **2.000 KM** | Udio iz Fonda Socijalni dan: **1.500 KM**

**O projektu** Ovaj projekat će obuhvatiti niz aktivnosti u kojima će učestvovati građani, učenici srednjih i osnovnih škola kao i ugledni predavači-profesori. Projekat će trajati četiri dana u okviru kojih će se održat predavanje na temu "Udahni život punim plućima, reci ne cigaretama i drogi", pružiti prilika svim punoljetnim učenicima da dobrovoljno daju krv, održat će se "dan poezije", te pod sloganom "dan igrom ukrasi, jedan život spasi" učenici srednjih škola imat će priliku da učestvuju i u takmičenju koje će osmisлити rukovodstvo projekta. Ekpa koja bude najuspješnija imat će priliku da svoju novčanu nagradu koju osvoji pokloni u humanitarne svrhe.

**Cilj projekta** je organizovati humanitarni i kulturni događaj u cilju razvijanja svijesti mladih, afirmisanja kao i edukovanja učenika u našoj lokalnoj zajednici.

.....

## HUMANITARNI BINGO “USREĆI SEBE I DRUGE” | Grad: Bijeljina | Škola: JU Ekonomska škola

Bijeljina | Oblast: Humanitarni rad | Budžet projekta: 4.250 KM | Udio iz Fonda Socijalni dan: 250 KM

**O projektu** Pri realizaciji ovog projekta učenici će najprije prodavati bingo kartice po gradu i raditi medijsku promociju akcije na lokalnim TV i radio stanicama. Najveći dio sredstava prikupljenih od prodaje kartica bit će usmjeren na pomoć djevojčicama: Sari-Lajli Džinić iz Bijeljine (3 godine, oboljela od leukemije) i Anđeli Trišić iz Magnojevića (4 godine, u komi). Mali dio sredstava odvojit će se za robnu nagradu dobitnika čije će se izvlačenje pratiti javno putem lokalne televizijske stanice.

**Cilj projekta** Prikupljanje novčanih sredstava za izlječenje.

.....

## ŠKOLSKA PATROLA | Grad: Bihać | Škola: JU Mašinsko-saobraćajna mješovita srednja škola | Oblast: Kultura |

Budžet projekta: 950 KM | Udio iz Fonda Socijalni dan: 750 KM

**O projektu** Općina Bihać već duže vrijeme ima problem sa sigurnošću u saobraćaju. Kantonalni MUP nije u mogućnosti da osigura i spriječi sve ove nezgode jer nemaju dovoljno službenika. Maturanti Saobraćajne škole su odlučili da pomognu svojim kolegama iz drugih škola i budućim kolegama iz MUP-a tako što će za vrijeme praktične nastave izaći na teren i vršiti regulaciju saobraćaja kao školska patrola i time znatno doprinijeti sigurnosti. Planirano je da projekat traje tokom cijele školske godine, a pauze bi se pravile samo za vrijeme školskog raspusta.

**Cilj projekta** Povećanje sigurnosti u saobraćaju učenika osnovnih i srednjih škola u općini Bihać.

**OŽIVIMO VJEČNE STRAŽARE** | Grad: **Bosanska Krupa** | Škola: **JU Opća gimnazija "Bosanska Krupa"** | Oblast: **Ekologija i kultura** | Budžet projekta: **2.290 KM** | Udio iz Fonda Socijalni dan: **1.290 KM**

**O projektu** Općina Bosanska Krupa je pristupila restauraciji i uređenju tvrđave koja se nalazi u centru grada. Na jugoistočnoj padini Starog grada nalazi se antifašističko spomen obilježje iz Drugog svjetskog rata koje VU Gimnazije žele urediti tako što će očistiti padinu, urediti stazu i osvijetliti spomen ploče (37) narodnih heroja općine Bosanska Krupa.

**Cilj projekta** Ovim projektom tim iz Bosanske Krupe želi poslati jasnu poruku čitavoj BiH i Evropi da poštuje i njeguje antifašizam kao tradicionalnu vrijednost općine, BiH i cijele Evrope. Nadamo se da ćemo ovim projektom uticati na izgradnju svijesti građana, pogotovo mlađe populacije. Očekujemo da će Stari Grad poslije akcije izgledati ljepše i da će to biti skromni doprinos stvaranja boljeg imidža grada i općine u turističkim ponudama.

**VOLONTIRAJ - UNAPRIJEDI SEBE, POMOZI DRUGIMA** | Grad: **Breza** | Škola: **Gimnazija "Muhsin Rizvić"** | Oblast: **Neformalno obrazovanje** | Budžet projekta: **600 KM** | Udio iz Fonda Socijalni dan: **500 KM**

**O projektu** Organizacija petodnevnih radionica za srednjoškolce Općine Breza, kao i za mlade od 18 do 30 godina na temu "Volontiraj – unaprijedi sebe, pomoz drugima", u okviru kojih bi učenici bili upoznati sa time šta je volontiranje, zašto volontirati, koje su prednosti volontiranja i kako se uključiti u volonterski aktivizam.

**Cilj projekta** Pored toga što će informisati učenike (kroz predavanja na odjeljenskim zajednicama, emisiji na Radio Brezi, okruglim stolom u NVO Omladinskom centru "Desnek" Breza) i mlade općine Breza o prednostima volonterizma, cilj je animirati što veći broj mladih ljudi da se i sami uključe u rad zajednice kroz NVO-e ili druge organizacije u kojima bi volontirali i dali svoj doprinos zajednici, a time i usavršili svoje sposobnosti.

**OBNOVI, IZGRADI, DJEČIJI OSMIJEH ZARADI** | Grad: Breza | Škola: Mješovita srednja škola

“Mehmedalija Mak Dizdar” | Oblast: Ekologija, sport i kultura | Budžet projekta: 9.250 KM | Udio iz Fonda Socijalni dan: 1.500 KM

**O projektu** Vijeće učenika MSŠ “Mehmedalija Mak Dizdar” ove godine je odlučilo aplicirati projektom koji će doprinijeti razvoju lokalne zajednice, a u vezi je sa ekologijom, kulturom i sportom. Problem koji su razmatrali je nedostatak zelenih površina u Brezi, na kojima bi učenici osnovnih i srednjih škola, kao i oni najmlađi, mogli provoditi svoje slobodno vrijeme na kvalitetan način uz druženje, daleko od kafića i interneta.

**Cilj projekta** Osigurati prostor i poboljšati uslove mladima da svoju energiju usmjere na podoban način, uz fizičku aktivnost, odbacujući opojna sredstva i prekomjerno korištenje interneta. Očekuje se da će park dnevno posjetiti trećina mladih iz Breze i okoline, grupno ili individualno.

**DJECA ZASLUŽUJU VIŠE!** | Grad: Busovača | Škola: Mješovita srednja škola Busovača | Oblast: Neformalno

obrazovanje | Budžet projekta: 4.700 KM | Udio iz Fonda Socijalni dan: 1.500 KM

**O projektu** Vijeće učenika Mješovite srednje škole Busovača aplicira projektom u oblasti neformalnog obrazovanja. Oni su odlučili provesti niz radionica sa predškolskom djecom Osnovne škole “Kačuni” kako bi kroz kreativne i edukativne radionice iz oblasti likovnog rada, muzičke kulture, upoznavanje sa okolinom, učenje slova i brojeva do 20 pomogli mališanima u pripremi za osnovnu školu. Projekat će obuhvatiti 120 mališana.

**Cilj projekta** Priprema djece predškolskog uzrasta za osnovnu školu, te njihova socijalizacija i upoznavanje sa školom, novim i nepoznatim. Pored druženja i upoznavanja mališana, “razbijanja početnog straha i neugodnosti”, cilj je i učenje osnovnih stvari, te buđenje kreativnosti kod djece.

---

## **RUKE PRIJATELJSTVA** | Grad: **Brčko** | Škola: **JU Poljoprivredna i medicinska škola** | Oblast: **Humanitarni rad** |

Budžet projekta: **2.238 KM** | Udio iz Fonda Socijalni dan: **1.338 KM**

**O projektu** Projektno-humanitarna sekcija škole realizovat će projekat u okviru kojeg će omogućiti učenicima sa posebnom potrebama, učenicima romske nacionalnosti i osobama sa različitim invaliditetom dodatne besplatne časove, te im na taj način pomoći u učenju. Za učenike romske nacionalnosti radit će i edukacije sa akcentom na higijenu, te će se njihovi roditelji informisati o pravima i obavezama iz oblasti obrazovanja, kao i zanimanjima koja bi bila interesantna njihovoj djeci.

**Cilj projekta** Razvijati humanost, prijateljstvo, etičnost i zajedništvo u prihvatanju osoba sa invaliditetom kao i romske djece; povećati mogućnost pomoći pri savladavanju školskih aktivnosti učenika i podsticati ih u odlukama o daljnjem školovanju; razvijati svijest o potrebama i prihvatanju osoba sa invaliditetom i učenika romske nacionalnosti; povećati broj upisanih učenika romske nacionalnost u srednje škole; raditi na podizanju socijalnog i materijalnog statusa.

---

## **NAPAJANJE OPTIČKIM KABLOM ZA POTREBE INTERNETA** | Grad: **Brčko** | Škola: **JU Tehnička škola Distrikt Brčko** | Oblast: **Neformalno obrazovanje** | Budžet projekta: **2.617,50 KM** | Udio iz Fonda Socijalni dan: **1.500 KM**

**O projektu** Ovim projektom škole u Distriktu Brčko bi dobile brzu, stabilnu i pouzdanu vezu sa internetom, što bi im omogućilo kvalitetnije provođenje nastave.

**Cilj projekta** Pouzdana, brza i sigurna veza prema internetu u obrazovnim ustanovama u Brčkom.

**CVIJET DISTRIKTA BRČKO** | Grad: **Brčko** | Škola: **JU Gimnazija "Vaso Pelagić"** | Oblast: **Ekologija** | Budžet

projekta: **1.500 KM** | Udio iz Fonda Socijalni dan: **1.400 KM**

**O projektu** Učenici JU Gimnazije "Vaso Pelagić" radit će projekat kojim je planirano uređenje šetališta u Brčkom. Učenici su odlučili da zasade nove sadnice koje će odmah promijeniti izgled šetališta, a poslije par godina biti i korisne za taj dio grada.

**Cilj projekta** Uređenje okoliša Ficibajera i podizanje ekološke kulture među svima koji borave u tom dijelu grada i oko njega. Učenici očekuju da djela njihovih ruku postanu sastavni dio parka i ostanu dugo kao i najstarije drveće u parku. Također, cilj ovog projekta je i motivisati učenike i potaknuti ih na aktivizam i brigu o okolini.

**SADI CVIJEĆE BACAJ SMEĆE** | Grad: **Brčko** | Škola: **JU Ekonomska škola Brčko** | Oblast: **Ekologija** | Budžet

projekta: **1.560 KM** | Udio iz Fonda Socijalni dan: **1.500 KM**

**O projektu** Kroz ovaj projekat učenici škole će urediti gradski park kako bi stvorili adekvatan prostor u kojem će građani i građanke moći provoditi svoje slobodno vrijeme. Kroz ovaj projekat učenici će urediti grad i stvoriti ljepši ambijent za provođenje slobodnog vremena na otvorenom. Djeca će moći provoditi svoje vrijeme u bezbjednoj igri, a stare osobe će odmarati uz prirodne ljepote.

**Cilj projekta** Urediti gradski park kako bi prolaznici uživali u pogledu i korisnici se osjećali ugodnije.

## BUDIMO NJIHOVO PROLJEĆE | Grad: Čapljina | Škola: Srednja škola Čapljina | Oblast: Humanitarni rad |

Budžet projekta: **3.185 KM** | Udio iz Fonda Socijalni dan: **565 KM**

**O projektu** Ovim projektom učenici srednje škole pomoći će Udruzi Cvijet kako bi riješila problem neprimijećenosti, te će djelovati na povećanju humanitarne svijesti građana i povećati broj volontera u edukaciji i odgoju. Naime, Udruga Cvijet okuplja djecu s posebnim potrebama. Međutim, ta djeca koja imaju različite tipove terapijskih i ostalih medicinskih potreba nemaju ni osnovne uslove, tj. ortopedska pomagala i klimatizaciju u prostorijama koje su im dodijeljene, a u Udruzi volontira samo šest osoba.

**Cilj projekta** Upoznati članove lokalne zajednice s radom i djelovanjem "HU Cvijet". Projektom će se podići i humanitarna svijest građana, povećati broj volontera i općenito osnažiti volonterska struja među svim generacijama. Osim s humanitarnim radom, građani će se upoznati i sa kompleksnošću problema koji ovi mladi ljudi, zajedno s njihovim roditeljima, nose.

## ŠAH-MAT | Grad: Čelić | Škola: JU Mješovita srednja škola | Oblast: Kultura, sport | Budžet projekta: 1.150 KM | Udio iz

Fonda Socijalni dan: **750 KM**

**O projektu** Posmatrajući MZ Čelić učenici su došli do zaključka da mladi kao i penzioneri nisu aktivni u oblasti kulture i sporta. Svjedoci smo da se mladi u BiH sve manje i manje interesuju za kulturu i sport te se to, nažalost, da primijetiti i na lokalnoj zajednici u Čeliću. S ciljem da se kvalitetnije ispuni slobodno vrijeme penzionera i mladih, učenici ove škole u saradnji sa MZ Čelić žele realizovati projekat postavljanja šahovske ploče u ovoj lokalnoj zajednici.

**Cilj projekta** Mladima, ali ipak prvenstveno penzionerima omogućiti kvalitetnije provođenje vremena i vrstu zanimacije, tako što će se postaviti šahovska ploča na najfrekventnijem dostupnom mjestu u lokalnoj zajednici.

## IGRAJ, TRČI, IGRAJ SMJELO, DA RAZVIJEŠ DUH I TIJELO | Grad: Foča | Škola: JU

Srednjoškolski centar Foča | Oblast: Sport | Budžet projekta: 3.460 KM | Udio iz Fonda Socijalni dan: 1.335 KM

**O projektu** Savjet učenika JU SSC Foča je inicijator ideje o projektu "Igraj, trči, igray smjelo, da razvijaš duh i tijelo". Projekat pripada oblasti sporta. Ideja je nastala na osnovu istraživanja koje je Savjet učenika proveo među mladim, koji su se izjasnili da im je potreban uređen sportski teren da mogu kvalitetnije provoditi slobodno vrijeme. Realizacijom projekta mladi će dobiti prostor da provode kvalitetno slobodno vrijeme, da razvijaju i tijelo i duh, da se družu, razvijaju timski rad, samopouzdanje i sportske vještine. U mjesnoj zajednici Aladža postoji prostor koji bi mogao da se preuredi u sportski teren.

**Cilj projekta** Ukoliko bi se izgradio sportski teren, mladi bi imali najveću korist jer bi mogli kvalitetno ispuniti svoje slobodno vrijeme i izbjeći sve loše uticaje ulice, prepuštanje porocima i smanjiti provođenje vremena za računarima kako bi sačuvali i unaprijedili svoje zdravlje (vid, kondicija...).

## SVE MOGU JA | Grad: Goražde | Škola: JU Srednja tehnička škola "Hasib Hadžović" | Oblast: Humanitarni rad |

Budžet projekta: 803 KM | Udio iz Fonda Socijalni dan: 703 KM

**O projektu** Učenici će kroz realizaciju projekta organizovati edukacije sa građanima o djeci sa posebnim potrebama, nakon čega će organizovati i radionicu sa djecom sa posebnim potrebama. U okviru te radionice učenici sa posebnim potrebama će zahvaljujući vlastitoj kreativnosti izraditi različite predmete, slike i druga umjetnička djela koja će se prodavati na ulicama grada. Sredstva prikupljena prodajom bit će uplaćena na račun Samira Mehića, koji je teško obolio i potrebno mu je 25.000 eura za početak liječenja.

**Cilj projekta** Kroz edukaciju dokazati učenicima koji u većini slučajeva omalovažavaju djecu sa posebnim potrebama da oni nisu nimalo bezvrijedni i ništa manje važni od njih, možda su samo malo humaniji i trebaju malo više ljubavi i pažnje. Zajednički cilj je prikupiti što veći iznos novca za liječenje Samira Mehića.



**KAMENI SPAVAČ** | Grad: **Goražde** | Škola: **Srednja stručna škola "Džemal Bijedić"** | Oblast: **Kultura** | Budžet projekta: **2.475 KM** | Udio iz Fonda Socijalni dan: **1.350 KM**

**O projektu** Učenici žele promovisati i afirmisati lokalnu zajednicu kroz izradu kulturno-umjetničkih suvenira (stećaka) koji će biti predstavljeni široj javnosti. Kroz aktivnosti projekta učenici će bolje upoznati lokalnu zajednicu s kulturnim vrijednostima koje ona posjeduje, te će uz pomoć vanjskih saradnika i nastavnika izaditi modele stećaka i prezentovati ih javnosti. Stećke će također dobiti i predstavnici vlasti, kako bi ih na taj način podstakli da učine nešto po pitanju njihove zaštite.

**Cilj projekta** Izrađeni suveniri će biti besplatno podijeljeni svim obrazovnim ustanovama na području općine Goražde, kao i općinama u sastavu BPK-a Goražde. Pored osnovnih i srednjih škola, suveniri će također biti poklonjeni i predstavnicima vlasti, kako općinskim tako i kantonalnim, kako bi probudili svijest učenika/ca i vlasti o važnosti očuvanja kulturne baštine naše zemlje.

**OMLADINSKO-EDUKATIVNI KAMP VRANICA 2013** | Grad: **Gornji Vakuf** | Škola: **Mješovita srednja škola** | Oblast: **Neformalno obrazovanje** | Budžet projekta: **5.500 KM** | Udio iz Fonda Socijalni dan: **1.500 KM**

**O projektu** Ovim projektom učenici žele okupiti mlade ljude iz različitih gradova Bosne i Hercegovine na zajedničkom druženju u okviru kampa na Vranici. U ovom kampu učenici će okupiti mlade bez obzira na nacionalnost, a sve sa ciljem poboljšanja odnosa i spajanja "razlika" uzrokovanih različitim identitetima. Mladi različitih nacionalnih pripadnosti će ovom prilikom imati mogućnost da se bolje međusobno upoznaju i razmijene iskustva, te da upoznaju prirodne ljepote planine Vranice.

**Cilj projekta** Stečenim iskustvom i poznanstvima želimo i ove godine da okupimo što veći broj mladih ljudi iz cijele BiH kako bismo im omogućili sticanje novog znanja. Želimo unaprijediti vještine kod mladih ljudi, poboljšati komunikaciju i poznanstva, te ih upoznati sa prirodnim ljepotama planine Vranice. Također, cilj je da mladi ljudi kroz druženje, rad i igru uče o međureligijskim odnosima, da putem radionica razvijaju svoje komunikacijske vještine, delegiranje, timski rad.

**TEATROM PROTIV PREDRASUDA** | Grad: **Gradiška** | Škola: **Gimnazija Gradiška** | Oblast: **Neformalno obrazovanje** | Budžet projekta: **2.716 KM** | Udio iz Fonda Socijalni dan: **1.196 KM**

**O projektu** Projekat obuhvata predstavljanje neformalnog obrazovanja kroz tri dvodnevne radionice za 20 srednjoškolaca na teme nenasilnog rješavanja konflikta, medijacije sukoba, interkulturalizma, nenasilnog djelovanja i ostalih segmenata baziranih na njihovom detektovanju, definisanju i načinima djelovanja, te radionice u ruralnim područjima koje će raditi srednjoškolci koji završe obuku.

**Cilj projekta** Povećano interesovanje srednjoškolaca o neformalnom obrazovanju, a to su edukovani mladi ljudi koji će znati na koji način pristupiti nekom od svakodnevnih problema. Sekundarni cilj su edukovani mladi ljudi iz ruralnih područja.

**STARA HRANA BEZ MANA** | Grad: **Grude** | Škola: **Srednja škola Antuna Branka Šimića** | Oblast: **Neformalno obrazovanje** | Budžet projekta: **699 KM** | Udio iz Fonda Socijalni dan: **679 KM**

**O projektu** Ovim projektom učenici žele uticati na izmjenu loših prehrambenih navika građana njihovog okruga. Učenici će u oktobru tokom dana Starih hercegovačkih jela organizovati predavanje i savjetovanje građana o zdravoj prehrani. Učenici će također organizovati sajam starih jela. Ovim projektom oni će raditi na jačanju međugradskih odnose, saradnje mladih i starih, te na očuvanju tradicije jela kao i zdravlja građana.

**Cilj projekta** Buđenje svijesti građana Gruda o važnosti očuvanja tradicije i kulture. Učenici će građane upozoriti na štetnost brze hrane, savjetovati ih o boljoj i zdravijoj prehrani putem održavanja dana Starih hercegovačkih jela. U tom danu sudjelovali bi građani Gruda u oktobru svake godine. Time bi se svijest građana, a samim time i zdravlje, kao i tradicija, bolje očuvali.

**CEKER DAY AND STAY** | Grad: **Hadžići** | Škola: **JU Srednjoškolski centar Hadžići** | Oblast: **Ekologija** | Budžet projekta: **1.800 KM** | Udio iz Fonda Socijalni dan: **1.500 KM**

**O projektu** Kroz aktivnosti ovog projekta učenici žele zamijeniti plastične kese platnenim vrećicama koje imaju višestruku upotrebu i koje su dugotrajnije, a ekološki su prihvatljivije. S obzirom da je ovo mješovita srednja škola sa tekstilnim zanimanjem, između ostalog, učenici ove škole na praktičnoj nastavi šit će platnene vrećice na koje će kasnije printati motivišuće poruke korisnicima u vezi sa ekološkim osvješćivanjem. Platnene vrećice učenici će podijeliti svojim poznanicima i kupcima u tržnim centrima KS-a.

**Cilj projekta** Čišća i zdravija sredina; povećanje znanja kod učenika o štetnosti plastičnih vrećica na okoliš; podizanje ekološke svijesti i brige za okoliš jer korištenjem platnenih vrećica smanjuje se upotreba fosilnih goriva, čuva se ekosistem, spašavaju se životinje, podiže se kvalitet hrane i vode te smanjuje zagađenost kao i troškovi zbrinjavanja i odlaganja otpada, što nam svima garantuje bolje životne uslove.

**UZ TOPLU RIJEČ TREBA I NEKI ZALOGAJ** | Grad: **Istočno Sarajevo** | Škola: **Gimnazija i srednja stručna škola Istočna Ilidža** | Oblast: **Humanitarni rad** | Budžet projekta: **16.170 KM** | Udio iz Fonda Socijalni dan: **1.170 KM**

**O projektu** Projekat podrazumijeva da će učenici otvoriti narodnu kuhinju u Istočnom Sarajevu u kojoj će oni kojima je neophodna takva pomoć moći da dobiju osnovne namirnice za život. Međutim, zbog nedostatka sredstava učenici će prvobitno putem akcija u tržnim centrima, humanitarnih koncerata, predstava u školama i humanitarnih žurki u klubovima uraditi humanitarnu akciju prikupljanja sredstava od građana, koja će kasnije podijeliti najsiromašnijim osobama u zajednici. Rad kuhinje će biti pokrenut kada se pronađu stalni donatori.

**Cilj projekta** Pomoći socijalno ugroženim kategorijama sa teritorije općina Istočna Ilidža i Istočno Novo Sarajevo; informisati javnost o ovom problemu; podići svijest mladih ljudi sa područja grada Istočno Sarajevo; postići aktivizam mladih ljudi u Istočnom Sarajevu putem ove akcije.

**TRI "F" (FANTASTIČAN FESTIVAL FILMOVA)** | Grad: Jablanica | Škola: JU Srednja škola Jablanica |

Oblast: **Kultura** | Budžet projekta: **450 KM** | Udio iz Fonda Socijalni dan: **400 KM**

**O projektu** Vijeće učenika JU Srednja škola Jablanica kroz aktivnosti ovog projekta usmjereno je na organizaciju manifestacije Fantastični festival filmova (3F). Ovo je pilot projekat kojim učenici ove srednje škole žele uticati na smanjenje broja mladih u kaficima i kladionicama. Glavna aktivnost trajat će dvije večeri i prikazivat će se četiri filma različitih žanrova.

**Cilj projekta** Povećati broj kulturnih događaja u gradu, probuditi kod mladih i građana želju za gledanjem filmova na otvorenom i u kinima. Nastojeći iskoristiti postojeće kapacitete, cilj je raditi na zbližavanju mladih i njihovih stavova o poboljšanju kulturnih dešavanja u gradu. Ovim projektom također želimo dati i ideju postojećim NVO-ima u gradu da na ovakav način mogu organizovati okupljanja mladih najmanje jednom mjesečno, te ih na taj način odvajati od svakodnevnih loših navika i poroka.

**MINI ŠKOLA EKO LIDERSTVA** | Grad: Janja | Škola: Srednja stručna škola Janja | Oblast: **Ekologija** | Budžet projekta: **1.300 KM** | Udio iz Fonda Socijalni dan: **1.200 KM**

**O projektu** U posljednje vrijeme primijećen je trend rasta otpada kao što su mobilni telefoni i računari, čije su skladištenje i reciklaža neadekvatni. Ovim projektom učenici će raditi edukacije sa srednjoškolicima na području grada Bijeljine o problemima u vezi sa reciklažom polovnih elektronskih uređaja (mobitel, računar...)

**Cilj projekta** Podići svijest kod mladih ljudi o važnosti zaštite životne sredine.

## KUPUJMO DOMAĆE, KUPUJMO SRCEM | Grad: Kalesija | Škola: JU Mješovita srednja škola "Kalesija" |

Oblast: **Neformalno obrazovanje** | Budžet projekta: **1.302 KM** | Udio iz Fonda Socijalni dan: **993 KM**

**O projektu** Projekat se sastoji od istraživanja privrede općine Kalesija i prezentacije iste. Učenici će u praksi razviti vještine predviđene planom i programom nastave bosanskoga jezika i komunikacije te će aktivno biti uključeni u istraživanje i prezentaciju rezultata do kojih su došli kroz svoj angažman. Kroz prezentacije učenici će građane upoznati sa privrednim resursima lokalne zajednice, a privrednici će prezentovati svoje proizvode i usluge.

**Cilj projekta** Razvijanje učeničkih kompetencija: vještina istraživanja, prezentacije, organizacijskih sposobnosti, ostvarivanje saradnje sa lokalnom zajednicom, istraživanje potrošačke svijesti građana općine Kalesija i razvijanje svijesti o značaju kupovine proizvoda lokalnog porijekla za poboljšanje kvaliteta života u lokalnoj zajednici.

## BOJIMO SNOVE, RAZIGRAJMO MLADOST | Grad: Kakanj | Škola: Srednja tehnička škola "Kemal

Kapetanović" | Oblast: **Neformalno obrazovanje** | Budžet projekta: **881 KM** | Udio iz Fonda Socijalni dan: **601 KM**

**O projektu** Ovim projektom učenici će urediti zid sportske dvorane (površine 241,94m<sup>2</sup>) koju posjećuju svi mladi i koji je cijelom dužinom okrenut ka sportskom poligonu, a trenutno je išaran i iscrtan neprimjerenim sadržajima koje žele prefarbati i ponovo oslikati grafitima i crtežima. Osim toga oni će urediti i sportski poligon, iscrtati nove linije na poligonu, nabaviti mreže za koševе, ofarbati ih i urediti zelenu površinu. Takav poligon bi zadovoljavao potrebe rekreativaca i bio sigurniji za igru i zabavu djece iz okruženja.

**Cilj projekta** Osposobljavanje sportskog terena, stvaranje ljepšeg i primjerenijeg okruženja za zabavu. Samim tim učenici će motivisati mlade u akciji uređenja, gdje će talentovani učenici ispoljiti svoju kreativnost i stvaralaštvo. Pruža se mogućnost bavljenja sportom, odmicanje od društvenih mreža i udaljavanje od drugih poroka.


**3 U 1 (TRI U JEDAN)** | Grad: Lukavac | Škola: JU Mješovita srednja ekonomsko-hemijska škola | Oblast: Ekologija, kultura, neformalno obrazovanje, humanitarni rad | Budžet projekta: 1.540 KM | Udio iz Fonda Socijalni dan: 1.225 KM

**O projektu** Učenici projektom ukazuju na probleme “zdrave ishrane” kod učenika i nastojat će da barem jedan dan ishrana učenika bude usklađena sa principima zdrave ishrane. Kroz medije učenici će vršiti i promociju zaštite sredine kroz pravilno odlaganje otpada, te mogućnost finansijske zarade kroz “prodaju” otpada.

**Cilj projekta** Stvaranje materijalne koristi putem otpadnog materijala, a ostvarenu dobit iskoristit će u humanitarne svrhe. Osim toga, učenici će povećati svijest učenika o zdravoj ishrani kod 40% učenika svih razreda, uvesti jedan zdrav obrok u ishranu srednjoškola, smanjiti nastanak otpada i povećati količine materijala koji se može ponovo iskoristiti, smanjiti broj socijalno ugroženih za 50% u toku školske godine, medijski promovisati na nivou lokalne zajednice, te organizovati dan pod nazivom “Užina bez smeća”.

**BAJKA NA SLAPOVIMA** | Grad: Ljubuški | Škola: Gimnazija Ljubuški | Oblast: Kultura | Budžet projekta: 21.500 KM | Udio iz Fonda Socijalni dan: 1.500 KM

**O projektu** Ideja za projekat proizašla je iz bliske sredine i druženja s vršnjacima kao i njihove želje da se u ovom gradu uradi nešto za omladinu i da se neke stvari promijene. Na realizaciji projekta bit će angažovani volonteri srednjih škola, kao i volonteri šire regije, a sama realizacija projekta imat će više faza: priprema i čišćenje terena, gradnja amfiteatra, sređivanje okoliša, te organizovanje dana dramskog stvaralaštva i večeri poezije učenika. Cilj ovih aktivnosti je podizanje svijesti o problemu pravilnog korištenja slobodnog vremena u našoj zajednici i o posljedicama nepravilnog utroška vremena.



**Cilj projekta** Podariti Ljubuškom pozornicu za kulturna dešavanja, s ciljem unapređenja društvenog života mladih, kao i podizanje svijesti o problemu pravilnog korištenja slobodnog vremena i posljedicama nepravilnog utroška vremena; upoznati mlade sa pravim kulturnim vrijednostima, te ih podsticati da njeguju te vrijednosti.

**NEFORMALNO OBRAZOVANJE** | Grad: **Maglaj** | Škola: **Mješovita srednja škola Maglaj** | Oblast: **Neformalno obrazovanje** | Budžet projekta: **1.350 KM** | Udio iz Fonda Socijalni dan: **1.000 KM**

**O projektu** Kroz ovaj projekat učenici će osmisliti radionice za učenike osnovnih i srednjih škola u koje će biti uključeni i roditelji učenika na teme: povećanje samopouzdanja, nenasilno rješavanje konflikata, poštovanje drugog i drugačijeg.

**Cilj projekta** Osvijestiti učenike o problemu koji je danas velik – osjećaju straha i nesigurnosti, manjku samopouzdanja i kako ga dobiti, razbijanju predrasuda o ljudima druge vjere i sl.

**SPASIMO ŠUME, DIŠIMO ČIŠĆE** | Grad: **Maglaj** | Škola: **JU Gimnazija "Edhem Mulabdić"** | Oblast: **Ekologija** | Budžet projekta: **1.880 KM** | Udio iz Fonda Socijalni dan: **1.500 KM**

**O projektu** Aktivnosti projekta odnose se na pošumljavanje područja grada i okoline, što obuhvata sadnju sadnica na području ogoljene i oštećene šume. Učenici će konsultirajući se sa Šumarijom odabrati tačno područje, obezbijediti mlade sadnice i odrediti mjesto sadnje. Kroz medijsku kampanju učenici će obavijestiti lokalnu zajednicu o ovim aktivnostima te zatražiti njihovu podršku i na taj način proširiti mogućnost ovakvog rada preko drugih i na ostala područja za pošumljavanje i očuvanje okoline.

**Cilj projekta** Pošumljavanje određenog područja grada Maglaja, zatim razvijanje svijesti učenika škole o potrebi očuvanja životne okoline te razvijanje dobrovoljnog rada radi općedruštvene koristi.

**VEZIMO ZAJEDNO BOSANSKE ČILIME** | Grad: **Mostar** | Škola: **Karađoz-begova medresa** | Oblast: **Kultura** | Budžet projekta: **2.050 KM** | Udio iz Fonda Socijalni dan: **1.500 KM**

**O projektu** Učenici gimnazije iz Nevesinja, gimnazije iz dijela Mostara gdje se radi po hrvatskom planu i programu i Karađoz-begova medresa ovim projektom prezentovat će ljepotu različitosti kultura u BiH. Časom historije o tri segmenta: bh. kulturnom naslijeđu, arhitekturi i slikarstvu, te blagdanskoj sofri/trpezi i tradicionalnim specijalitetima naroda BiH, učenici srednjih škola upoznat će se sa tradicijom naroda BiH, te spoznati bogatstvo različitosti i potrebu prijateljske komunikacije. Učenici će pripremiti i štand za izložbu tradicionalnih eksponata ili crteža eksponata. Centralna svečanost je večer tradicionalne pjesme naroda BiH.

**Cilj projekta** Međureligijski i međukulturalni dijalog, uvezivanje učenika srednjih škola iz različitih dijelova BiH; razmjena učeničkih iskustava, te podsticanje na interesovanje i poštovanje za druge i drugačije u svojoj okolini.

**USAVRŠI SE, OLAKŠAJ SEBI SVOJ ŽIVOTNI PUT** | Grad: **Mostar** | Škola: **Srednja medicinska škola "Mostar"** | Oblast: **Neformalno obrazovanje** | Budžet projekta: **4.500 KM** | Udio iz Fonda Socijalni dan: **1.500 KM**

**O projektu** Ovim projektom učenici će pripremiti kolege na prelaz i sistem rada u višim i visokoškolskim obrazovnim institucijama, odnosno omogućiti im da usvoje dodatna znanja i vještine neophodne u budućem zapošljavanju, odnosno radu i životu. Osnovno sredstvo koje će ovi učenici koristiti kako bi ispunili cilj projekta je neformalno obrazovanje u okviru kojeg će organizovati razne kurseve specifičnih vještina, praktičnih poslovnih znanja, ličnog usavršavanja, poput izrade biografije/CV, pisanja motivacionih pisama (Statement of Purpose), različitih aplikacija za zapošljavanje itd.

**Cilj projekta** Obučiti učenike triju škola iz Mostara da što lakše prevaziđu birokratsku barijeru prilikom izrade i pripreme dokumentacije za aplikaciju na različite konkurse, obučiti ih za pripremu i izradu projekata sa težištem na projektima iz programa FP7. Također, cilj ovog projekta jeste da učenike osposobimo za profesionalnu interpersonalnu komunikaciju i prezentaciju njihovih budućih projekata.



.....

**“ZAŠTITI SE”** | Grad: **Mostar** | Škola: **Druga gimnazija Mostar** | Oblast: **Neformalno obrazovanje** | Budžet projekta: **860 KM** | Udio iz Fonda Socijalni dan: **850 KM**

**O projektu** Projekat učenika Druge gimnazije Mostar “Zaštiti se” je projekat edukacije mladih ljudi, srednjoškolaca iz Mostara o seksualnom i reproduktivnom zdravlju. Realizacija projekta će se odvijati u nekoliko srednjih škola. Edukaciju će vršiti učenici škole koji su prošli obuku za trenera seksualnog i reproduktivnog zdravlja. Edukativne radionice će biti interaktivne i zanimljive. Planirano je da se na svakoj radionici dijele prezervativi.

**Cilj projekta** Razbiti tabu teme i proširiti znanje o reproduktivnom zdravlju kod mladih ljudi.

.....

**JEDNO DRVO - HILJADU ŽIVOTA** | Grad: **Mostar** | Škola: **Gimnazija Mostar** | Oblast: **Ekologija** | Budžet projekta: **1.000 KM** | Udio iz Fonda Socijalni dan: **900 KM**

**O projektu** U želji za zblizavanjem učenika Gimnazije Mostar, te želji za očuvanjem prirode, ovim projektom učenici će vršiti pošumljavanje i stabilizaciju hercegovačkih goleti. Sadić će se četinari, crni bor, mediteranski bor i arizonski čempres. Plan sadnje je takav da svaki dan određena grupa učenika Gimnazije Mostar uz pratnju stručnjaka odlazi na već navedene lokacije i započinje sadnju.

**Cilj projekta** Pošumljavanje hercegovačkih goleti i stabilizacija klizišta.

**POKAŽIMO VELIKO SRCE... IZ MOSTARA S LJUBAVLJU!** | Grad: Mostar | Škola:

Internacionalna privatna gimnazija s pravom javnosti | Oblast: Humanitarni rad | Budžet projekta: 1.252 KM | Udio iz Fonda Socijalni dan: 1.000 KM

**O projektu** Vijeće učenika Internacionalne privatne gimnazije s pravom javnosti ovim projektom želi nastaviti humanitarni rad koji su počeli u decembru 2012. godine kada su organizovali humanitarnu akciju prikupljanja novčanih sredstava za aktivnosti NVO Otvorena mreža BiH. Ovim projektom učenici žele ovu humanitarnu akciju proširiti na cijeli grad Mostar i pokazati kako Hercegovina diše za sve ljude koji trebaju pomoć. Akcija će biti provedena u školi i na ulicama grada kako bi se prikupio što je moguće veći iznos novčanih sredstava koje će učenici uplatiti na račun NVO Otvorena mreža BiH.

**Cilj projekta** Prodajom ručnih radova učenici će osigurati što više novčanih sredstava koje će uplatiti na račun NVO Otvorena mreža i na taj način sudjelovati u spašavanju ljudskih života.

**GRADSKI RALLY** | Grad: Mostar | Škola: Gimnazija fra Grge Martića | Oblast: Sport, kultura | Budžet projekta: 1.500 KM | Udio iz Fonda Socijalni dan: 1.400 KM

**O projektu** Centralni događaj projekta je gradski rally, utrka timova u rješavanju zadataka i obilasku određenih pozicija u gradu, gdje pobjeđuje ona ekipa koja prva riješi sve zadatke i obiđe sva mjesta. Ono što učenici žele postići projektom jeste druženje, upoznavanje novih prijatelja, zabava, te upoznavanje vlastitog grada.

**Cilj projekta** Organizovati druženje mladih Mostara kroz svojevrsni vid sportskog natjecanja u sklopu kojeg bi upoznali svoj grad. Poseban naglasak bi bio na zbližavanju svih mladih bez obzira na kulturološke i nacionalne razlike kroz koje se Mostar često pokušava prikazati kao "grad slučaj".

**NAŠA KAP U MORU NJIMA JE OKEAN** | Grad: **Mostar** | Škola: **JU Srednja ekonomska i ugostiteljsko-turistička škola** | Oblast: **Humanitarni rad** | Budžet projekta: **1.700 KM** | Udio iz Fonda Socijalni dan: **1.500 KM**

**O projektu** Kroz ovaj projekat učenici su došli na ideju da potaknu društvenu svijest građana kako bi ih zainteresovali za nedaće siromašnih sugrađana koji su primorani da svoje obroke traže po kontejnerima. Naime, krizna situacija u kojoj danas živimo najviše je pogodila najsiromašnije - Javnu i Pučku kuhinju u gradu Mostaru. Stoga će učenici kroz realizaciju ovog projekta pomoći najugroženijim osobama sa područja grada Mostara.

**Cilj projekta** Barem jedan izvjestan vremenski period osigurati kvalitetne obroke za one kojima je to zaista potrebno, te na taj način smanjiti broj onih koji, nažalost, po kontejnerima traže osnovne namirnice za opstanak u životu.

**SEBIČNI IZBORI** | Grad: **Mostar** | Škola: **JU Srednja građevinska škola** | Oblast: **Neformalno obrazovanje** | Budžet projekta: **1.700 KM** | Udio iz Fonda Socijalni dan: **1.500 KM**

**O projektu** Učenici Srednje građevinske škole zajedno sa profesorima organizovat će seminar za učenike osnovnih škola na temu profesionalne orijentacije kako bi im pomogli pri odabiru srednje stručne škole.

**Cilj projekta** Upoznavanje učenika osnovnih škola sa stvarnim stanjem u srednjim školama i koju važnost to ima za njih kada je riječ o donošenju prave odluke pri odabiru srednje škole, te upoznavanje učenika sa stanjem na tržištu rada i kakvu to vezu ima sa odabirom srednje škole. Učenici osnovnih škola dobit će informaciju i o mogućnostima koje se nude učenicima ako se obrazuju u stručnim školama.

**OZELENIMO ZA ZDRAVIJU BUDUĆNOST** | Grad: **Mostar** | Škola: **Srednja građevinska škola Jurja**

**Dalmatinca** | Oblast: **Ekologija** | Budžet projekta: **1.500 KM** | Udio iz Fonda Socijalni dan: **1.200 KM**

**O projektu** Pri realizaciji ovog projekta učenici će pošumiti okolno brdo Hum i okolna brda koja su uništena požarima. Zasadit će mlade sadnice bora koje će u budućnosti krasiti grad. Pošumljavanjem bi riješili ekološki problem i građanima podarili u budućnosti kvalitetniji zrak i mjesto.

**Cilj projekta** Omogućiti građanima grada novo mjesto gdje bi mogli boraviti u prirodi i pružiti im kvalitetniji zrak. Lokacija bi u budućnosti mogla privlačiti i turiste.

**ZAR DJECU NE DONOSE RODE?** | Grad: **Mostar** | Škola: **JU Srednja mašinsko-saobraćajna škola** | Oblast:

**Neformalno obrazovanje** | Budžet projekta: **1.500 KM** | Udio iz Fonda Socijalni dan: **1.400 KM**

**O projektu** Vijeće učenika ove škole se odlučilo za oblast neformalnog obrazovanja. Ideja se nametnula kao posljedica suočavanja sa maloljetničkom trudnoćom u školi i okolini. U posljednjih pet godina u bolnici u Mostaru na svijet je došlo 48 beba čije su majke ispod 18 godina starosti. Normalni životni tok odjednom dobija veliki preokret. Rezultat projekta je smanjenje broja maloljetničkih trudnoća i podizanje svijesti o tome.

**Cilj projekta** Informisati tinejdžere o problemu maloljetničke trudnoće i njenim posljedicama, te edukovati tinejdžere o seksualnim odnosima i njegovim posljedicama.

## SIGURNIJI INTERNET ZA DJECU I MLADE | Grad: Mostar | Škola: JU Srednja elektrotehnička škola

Mostar | Oblast: Neformalno obrazovanje | Budžet projekta: 1.205 KM | Udio iz Fonda Socijalni dan: 1.155 KM

**O projektu** Ovim projektom učenici će nastojati upoznati i upozoriti učenike šestih razreda OŠ Mujaga Komadina sa i o opasnosti-ma koje vrebaju na popularnim društvenim mrežama i stranicama. Učenici ove srednje škole prvo će uraditi prezentaciju o ovoj temi koja će biti uvod u debatu između učenika JU Srednje elektrotehničke škole Mostar i JU OŠ "Mujaga Komadina". Debatu će prisustvovati učenici šestih razreda kojima će poslije debate biti podijeljen Priručnik za djecu 2012. "Sigurniji internet za djecu i mlade".

**Cilj projekta** Upoznati učenike šestih razreda osnovne škole "Mujaga Komadina" sa mogućim opasnostima korištenja interneta sa posebnim osvrtom na korištenje društvenih mreža poput facebooka i twitera i ostalih oblika internet komunikacije. Učenici će biti pažljiviji prilikom korištenja društvenih mreža, odnosno objavljivanja sadržaja i informacija na svojim profilima.

## ČISTI ISPRED SVOGA PRAGA | Grad: Mostar | Škola: JU Srednja tekstilna i poljoprivredna škola Mostar |

Oblast: Ekologija | Budžet projekta: 2.000 KM | Udio iz Fonda Socijalni dan: 1.500 KM

**O projektu** Ova škola se nalazi u okviru univerzitetsko-sportsko-rekreacionog centra "Mithada Hujdur Hujka" zajedno sa još dvije srednje škole i Univerzitetom Džemal Bijedić. Već duži niz godina ovo područje vrlo bitno za život i rad studenata i srednjoškolaca ne odašilje pozitivnu sliku u javnosti zbog zapuštenosti i prevelike količine smeća koja se nalazi na mjestima kuda prolaze, a i borave, studenti i učenici. Ovim projektom učenici će pokrenuti akciju čišćenja Sjevernog logora i ostvariti saradnju sa drugim školama i Univerzitetom.

**Cilj projekta** Organizovati čišćenje područja USRC "Mithada Hujdur Hujka" i time uticati na buđenje ekološke svijesti. Akciju izvesti u saradnji sa studentima i srednjoškolicima.

**I MALI DAR VELIKA JE STVAR** | Grad: **Mostar** | Škola: **Srednja prometna škola** | Oblast: **Humanitarni rad** |

Budžet projekta: **400 KM** | Udio iz Fonda Socijalni dan: **360 KM**

**O projektu** Ovim projektom učenici žele učiniti znak ljubavi prema svojim bližnjima koji su u nevolji i u siromaštvu, te će kroz svoje aktivnosti prikupiti i distribuisati odjeću, igračke, školski pribor, prehrambene namirnice s dužim rokom trajanja i potaknuti druge na humanost i nesebičnost i utjecati na lokalnu zajednicu kako bi pružila veću pomoć socijalno najugroženijima.

**Cilj projekta** Prikupiti i distribuisati odjeću, igračke, školski pribor te prehrambene namirnice s dužim rokom trajanja. Također nam je cilj potaknuti druge na humanost i nesebičnost i utjecati na lokalnu zajednicu kako bi pružila veću pomoć socijalno najugroženijima.

**LEARN ENGLISH FOR FREE** | Grad: **Novi Travnik** | Škola: **“Mješovita srednja škola” Novi Travnik** | Oblast:

**Neformalno obrazovanje** | Budžet projekta: **1.282,16 KM** | Udio iz Fonda Socijalni dan: **942,16 KM**

**Opis projekta** Realizacijom projekta učenici će organizovati besplatan kurs engleskog jezika “napredni nivo 3. stepen” za mlade iz Novog Travnika koji bi korisnicima pomogao pri pronalasku posla ili eventualnom daljnjem nastavku školovanja. Po završetku kursa učesnici će dobiti certifikat sa pečatom škole i potpisom predavača.

**Cilj projekta** Pružiti mogućnost mladim ljudima da se prijave na besplatan kurs engleskog jezika za poboljšanje znanja istoga. Mislimo da bi otprilike 50 mladih ljudi u starosnoj dobi od 17 do 25 godina imalo mogućnost da se edukuje i stiče znanje koje bi im pomoglo za nastavak školovanja ili prilikom zaposlenja. Samim tim smatramo da je projekat izvodljiv i ostvariv jer su dva mjeseca sasvim dovoljna za sticanje i poboljšanje znanja navedenog jezika.

**KAD SE LJUDSKE RUKE SLOŽE, SVE SE MOŽE** | Grad: **Novi Grad** | Škola: **Srednja škola "Đuro Radmanović"** | Oblast: **Neformalno obrazovanje, humanitarni rad** | Budžet projekta: **1.160,40 KM** | Udio iz Fonda Socijalni dan: **902,90 KM**

**O projektu** Kroz ovaj projekat učenici žele oplemeniti i obogatiti sivu svakodnevnicu djece koja koriste usluge Dnevnog centra "Gnijezdo" u Novom Gradu. Volonterski tim učenika edukovan od strane stručne pedagoško-psihološke službe škole i Centra za socijalni rad organizovat će radionice sa korisnicima Dnevnog centra "Gnijezdo".

**Cilj projekta** Povećanje nivoa aktivizma i volonterizma mladih ljudi koji bi svojim rezultatima doprinosili rješavanju postojećih problema u lokalnoj zajednici; podizanje svijesti srednjoškolaca o postojanju djece i mladih koji imaju poteškoća u učenju, a dolaze iz porodica sa višestrukim problemima (siromaštvo, bolest roditelja, neriješen stambeni status, nasilje u porodici) i važnost njihove integracije u društvo kao ravnopravnih članova. Krajnji cilj našeg projekta jeste olakšavanje uslova rada i boravka korisnicima Dnevnog centra "Gnijezdo" i obogaćivanje njihove svakodnevne.

**VRATIMO KINO DA NAM BUDE FINO** | Grad: **Orašje** | Škola: **Srednja škola fra Martina Nedića** | Oblast: **Kultura** | Budžet projekta: **2.200 KM** | Udio iz Fonda Socijalni dan: **800 KM**

**O projektu** Učenici ove škole smatraju da je kultura njihove općine svedena na minimum i da se to negativno odražava na mlade ljude, a i ostale građane. Kroz realizaciju ovog projekta oni će zainteresovati mlade za kulturni sadržaj koji će im pružiti. Puštanjem filmskih projekcija, povećat će se broj posjetilaca kina. Projekcije će se održavati u kino dvorani, ali će učenici organizovati i vanjske projekcije tokom 8. mjeseca.

**Cilj projekta** Povećati zainteresovanost mladih na području općine Orašje za filmsku umjetnost kroz kontinuirane filmske projekcije.

**WHERE IS MY PLAYGROUND?** | Grad: **Odžak** | Škola: **Srednja škola Pere Zečevića** | Oblast: **Sport** | Budžet

projekta: **4.484,84 KM** | Udio iz Fonda Socijalni dan: **1.500 KM**

**O projektu** Ovim projektom učenici će izgraditi prvo dječije igralište u gradu kako bi se djeci omogućilo sigurno i veselo odrastanje te kvalitetno mjesto za igru i druženje. Na igralištu će biti postavljene ljuljačke, klackalice, vrtuljak, penjalica, tobogan, njihalica i kombinovana sprava. Realizacijom ovog projekta djeca bi dobila sigurnije mjesto za igru, postigao bi se viši stepen socijalizacije djece te kvalitetniji i zdraviji način odrastanja.

**Cilj projekta** Izgradnja dječijeg igrališta kako bi se djeci Odžaka omogućilo sigurno i veselo odrastanje, kao i kvalitetno mjesto za igru, druženje te razvijanje motoričkih sposobnosti.

**KULTURA IZNAD SVEGA** | Grad: **Prijedor** | Škola: **Muzička škola "Savo Balaban"** | Oblast: **Kultura** | Budžet

projekta: **1.140 KM** | Udio iz Fonda Socijalni dan: **1.100 KM**

**O projektu** Učenici Muzičke škole "Savo Balaban" kroz realizaciju ovog projekta žele napraviti billboard u parku srednjoškolskog centra. Ovaj projekat ima za svrhu bolje informisanje sugrađana o događajima u vezi sa umjetnošću u gradu. Naime, realizacijom projekta imali bismo priliku da motivišemo mlade ljude da posjećuju koncerte i druga kulturna događanja, da kvalitetno provode svoje slobodno vrijeme, a na taj način želimo smanjiti i broj slučajeva maloljetničke delikvencije.

**Cilj projekta** Informisanje građana Prijedora o dešavanjima u vezi sa umjetnošću.



**TEREN NAŠ - SPAS JE VAŠ** | Grad: **Prijedor** | Škola: **Medicinsko-tehnološka i građevinska škola** | Oblast: **Sport**  
| Budžet projekta: **1.348 KM** | Udio iz Fonda Socijalni dan: **1.200 KM**

**O projektu** Zbog toga što na Pećanima nema terena za fudbal, Savjet učenika Medicinsko-tehnološke i građevinske škole odlučio je napraviti projekat kojim bi se riješio ovaj problem. Aktivnostima projekta učenici bi postavili golove i ljuljačke te omogućili djeci prostor za druženje i fizičku aktivnost. Također, napravili bismo i četiri klupe na kojima bi roditelji mogli uzeti predah kada dovedu djecu na igralište. Ovaj teren mogli bi koristiti svi oni koji igraju fudbal. Pravljenjem ovog terena povećala bi se fizička aktivnost djece i odraslih, a samim tim i poboljšalo njihovo zdravlje.

**Cilj projekta** Povećati fizičku aktivnost, kako djece tako i tinejdžera i odraslih ljudi. Postavljanjem golova djece i ostali korisnici bi više vremena provodili vani, baveći se fizičkom aktivnošću, što bi doprinijelo njihovom zdravlju, dok bez terena oni većinu vremena provode za računarnom, što i nije najbolje za njih, pogotovo za djecu.

**PROGOVORI S NAMA** | Grad: **Prijedor** | Škola: **Specijalna osnovna i srednja škola "Đorđe Natošević"** | Oblast: **Humanitarni rad** | Budžet projekta: **2.000 KM** | Udio iz Fonda Socijalni dan: **1.500 KM**

**O projektu** Učenici ove škole projektom žele doprinijeti uspješnosti rada Udruženja Logoped iz Republike Srpske i pomoći im pri nabavci Vibrafon aparata koji se koristi za korekciju artikulacijskih smetnji u govoru. Kroz realizaciju ovog projekta učenici će olakšati rad Udruženja na području općine Prijedor.

**Cilj projekta** Smanjiti procenat artikulacijskih poremećaja kod djece od I do IV razreda osnovne škole u četiri prijedorske osnovne škole.

**SURVIVER – PREŽIVLJAVANJE DIVLJINE** | Grad: Posušje | Škola: Gimnazija fra Grge Martića | Oblast: Neformalno obrazovanje, ekologija i kultura | Budžet projekta: 3.480 KM | Udio iz Fonda Socijalni dan: 950 KM

**O projektu** Ovim projektom učenici će raditi na organizaciji ekološko-edukacijskog i zabavnog kampa "Surviver – preživljavanje divljine". Kroz edukacijski dio kampa učenici će podići svijest o ljepotama, povijesnom značaju i endemskim vrijednostima područja parka prirode Blidinje.

**Cilj projekta** Kroz zabavno kampovanje podići ekološku svijest o prirodnom parku Blidinje rezervatu Masnoj luci, njegovom povijesnom značaju i endemskim vrstama tog područja. Provođenjem ovog projekta cilj je podići općenitu ekološku svijest te preko edukacija ukazati mladima na bolju zaštitu prilikom boravka na planini.

**REAGIRAJ PROFI - ODUPRI SE KATASTROFI** | Grad: Posušje | Škola: Srednja strukovna škola Posušje | Oblast: Neformalno obrazovanje | Budžet projekta: 1.726 KM | Udio iz Fonda Socijalni dan: 1.021 KM

**O projektu** Učenici ove škole kroz projekat žele riješiti problem neinformisanosti građana Posušja o tome kako se pripremiti za eventualne prirodne katastrofe te kako na njih adekvatno odgovoriti u cilju očuvanja vlastite sigurnosti, kao i što je moguće više spriječiti ozbiljne posljedice po stanovništvo.

**Cilj projekta** Podići nivo svijesti kod učenika srednjih škola u Posušju, učenika sedmih i osmih razreda osnovne škole, kao i svih građana Posušja o ozbiljnim posljedicama koje prirodne katastrofe mogu izazvati, njihovim još većim razmjerima uzrokovanim neprijemnom reakcijom građana te u skladu s time podići razinu svijesti o važnosti adekvatne pripreme građana za eventualne prirodne katastrofe, kao i važnosti primjerene i pravovremene reakcije ukoliko do njih dođe, kako bi se što je moguće više izbjegle ozbiljne posljedice ovih pojava po stanovništvo.

---

## OD KULINA BANA DO DANAŠNJIH DANA... | Grad: Sarajevo | Škola: JU Gimnazija Obala Sarajevo |

Oblast: **Neformalno obrazovanje, kultura** | Budžet projekta: **3.647 KM** | Udio iz Fonda Socijalni dan: **782 KM**

**O projektu** Projekat uključuje promociju škole, ali i kulturnih ustanova u Kantonu Sarajevo. Tema projekta će obuhvatiti kulturu, tradiciju i običaje BiH od perioda bosanskog bana (Kulin bana) pa sve do danas. Svrha projekta je podstaći mlade da svoje dosadašnje znanje o historiji BiH pokažu na djelu organizujući aktivnosti kao što su posjećivanje kulturno-umjetničkih institucija. Na taj način će realizatori projekta zainteresovati učenike za njihov rad i sadržaj koji nude.

**Cilj projekta** Podstaći mlade da razmišljaju o svojoj državi na način kako to ona zaslužuje, te podići svijest mladih i zainteresovati ih da saznaju više o historiji svoje države.

---

## ZDRAVA I ČISTA OKOLINA | Grad: Sarajevo | Škola: JU Srednja medicinska škola - Jezero | Oblast: Ekologija |

Budžet projekta: **1.500 KM** | Udio iz Fonda Socijalni dan: **1.300 KM**

**O projektu** Trideset učenika sa dva profesora voditelja projekta će u periodu od sedam dana skupljati plastične flaše i drugi plastični otpad u okolini škole i školskom dvorištu. Kao nagradu za učenike predvidjeli smo jednodnevni izlet na Bijambare.

**Cilj projekta** Očistiti okolinu škole i školsko dvorište od plastičnog otpada i podići ekološku svijest učenika i uposlenika škole.

**ZDRAVLJE ULAZI NA USTA** | Grad: Sarajevo | Škola: Srednja tehnička škola grafičkih tehnologija, dizajna i multimedije | Oblast: Neformalno obrazovanje | Budžet projekta: 1.500 KM | Udio iz Fonda Socijalni dan: 1.250 KM

**O projektu** U ovaj projekt bit će uključeni mladi osnovnih i srednjih škola kojima će se tokom časova odjeljenskih zajednica ukazati na značaj pravilne i redovne ishrane, ali i redovne fizičke aktivnosti. Drugi način prezentacije bit će organizovan u Maloj i Velikoj aleji gdje će biti postavljen promotivni štand, a prolaznicima će biti uručen primjer zdravog doručka, leci i hemijske olovke.

**Cilj projekta** Da učenici svate da uz redovne obroke i kontrolisanu fizičku aktivnost poboljšavaju svoje opće zdravstveno stanje i svoj uspjeh u školi, a bit će zadovoljni i svojim fizičkim izgledom.

**(NE)KULTURA ODIJEVANJA U ŠKOLI** | Grad: Sarajevo | Škola: Prva bošnjačka gimnazija | Oblast: Kultura | Budžet projekta: 1.150 KM | Udio iz Fonda Socijalni dan: 650 KM

**Opis projekta** Ovim projektom učenici će potaknuti što veći broj sudionika u odgojno-obrazovnom procesu da počnu razmišljati o uvođenju oficijelnog odijevanja u školama. Prijedlog ovog projekta je da učenici zajedno s nastavnicima osmisle jednostavnu i praktičnu uniformu ili jednoobrazne odjevne predmete koje će nositi tokom boravka u školi. Vrlo se lako može iskoristiti kreativnost učenika ili nekog modnog dizajnera u osmišljavanju najboljeg rješenja koje će učenici prihvatiti. Važno je povesti računa o cijeni kako bi nabavka uniforme bila moguća za sve roditelje.

**Cilj projekta** Ispitati mišljenje učenika, nastavnika i roditelja o trenutnom načinu odijevanja u školama; edukovati učenike o važnosti poslovnog odijevanja; uvesti pravilnik o odijevanju, gdje će svaka škola, u saradnji sa vijećem učenika, osmisliti adekvatan način odijevanja.

**ŠIROM ZATVORENE OČI** | Grad: Sarajevo | Škola: Srednjoškolski centar Vogošća | Oblast: Neformalno obrazovanje | Budžet projekta: 1.600 KM | Udio iz Fonda Socijalni dan: 1.500 KM

**O projektu** Ovim projektom učenici žele skrenuti pažnju na problematiku delinkvencije učenika. Kao glavnu aktivnost projekta oni će za roditelje učenika iz devetogodišnjih razreda upriličiti emitovanje filma mladog reditelja Kenana Musića "Svjetla grada", koji se bavi navedenom tematikom.

**Cilj projekta** Za roditelje devetogodišnjih razreda osnovnih škola u Vogošći i prvog razreda srednje škole u Vogošći upriličiti gledanje filma "Svjetla grada".

**THE FINAL EXAM** | Grad: Sarajevo | Škola: Gimnazija Dobrinja | Oblast: Humanitarni rad i kultura | Budžet projekta: 13.900 KM | Udio iz Fonda Socijalni dan: 1.450 KM

**O projektu** Kroz realizaciju ovog projekta učenici će skrenuti pažnju na stvarno druženje, zabavu, razmjenu iskustava mladih, koji su sve više usmjereni na internet socijalizaciju i druženje preko društvenih mreža. Centralna aktivnost ovog projekta je organizacija zabave za sve maturante srednjih škola sa namjerom stvaranja međusobnog prijateljstva i druženja u nastavku njihovog obrazovanja. Osim toga, projekat ima i humanitarni karakter jer će se kroz cijelo njegovo trajanje potencirati humanitarne donacije za siromašne kategorije zajednice.

**Cilj projekta** Poboljšati socijalni život mladih. Smatramo da današnje mreže na internetu dosta pomažu u socijalizaciji ali je cilj ovog projekta upravo prenošenje druženja sa interneta u stvarnost, jer mislimo da ćemo tako uvezati moderan tip života sa dobrim starim druženjem.

**ČISTOĆA JE POLA ZDRAVLJA** | Grad: Sarajevo | Škola: Srednja ekonomska škola | Oblast: Neformalno obrazovanje | Budžet projekta: 1.300 KM | Udio iz Fonda Socijalni dan: 1.200 KM

**O projektu** Ovim projektom škola želi poboljšati higijenske uslove u školama Kantona Sarajevo. Realizacijom projekta osigurala bi se sredstva za higijenu ruku, koja bi bila postavljena u blizini školskih kuhinja kako bi se smanjila mogućnost da učenici uzimaju hranu prljavim rukama, što je uzrok raznih bolesti.

**Cilj projekta** Ovim projektom škola želi probuditi svijest učenika o brizi za čistoću ruku, jer ČISTOĆA JE POLA ZDRAVLJA.

**ESTETSKO UREĐENJE MOSTOVA** | Grad: Sarajevo | Škola: Škola za srednje stručno obrazovanje i radno osposobljavanje | Oblast: Kultura | Budžet projekta: 990 KM | Udio iz Fonda Socijalni dan: 340 KM

**O projektu** Realizacijom ovog projekta učenici žele estetski urediti mostove i učiniti ih ljepšim i primamljivijim.

**Cilj projekta** Mostovima dati bolji izgled, bolje osvjetljenje i postaviti kante za otpatke na mostovima kako bi izgledali ljepše i bolje.

**NAUČNI SAJAM "SCIENCE FAIR"** | Grad: Sarajevo | Škola: Druga gimnazija | Oblast: Neformalno obrazovanje | Budžet projekta: 5.360 KM | Udio iz Fonda Socijalni dan: 1.360 KM

**O projektu** Glavna aktivnost realizacije ovog projekta jeste sajam nauke na kojem će učestvovati učenici iz 20 srednjih škola u Kantonu Sarajevo. Timovi učenika će se natjecati svojim naučnim idejama iz biologije, hemije i fizike. Pobjednički tim osvojiti će finansijsku nagradu koja će se utrošiti u poboljšanje kabineta njihove odabrane nauke, te potrošnog materijala za izvođenje eksperimenata u školskoj 2013/2014.

**Cilj projekta** Podsticanje mladih da se aktiviraju i zauzumu stav u svrhu poboljšanja kvalitete svog obrazovanja. Također, kroz realizaciju ovog projekta povezat ćemo lokalne partnere koji dolaze iz polja prirodnih nauka da podrže projekat i na taj način stimulišu buduće radnike.

**NEKA HUMANOST POSTANE TRADICIJA** | Grad: Sarajevo | Škola: JU V gimnazija | Oblast: Humanitarni

rad | Budžet projekta: 375 KM | Udio iz Fonda Socijalni dan: 215 KM

**O projektu** Ovim projektom učenici žele pomoći nezbrinutoj djeci koja se nalaze u domu "Bjelave" Sarajevo. Učenici ove škole organizovat će različite događaje tokom kojih će sakupiti donacije u vidu finansijskih i materijalnih sredstava za korisnike doma "Bjelave". Tokom posjete pri kojoj će uručiti prikupljena sredstva učenici planiraju dogovoriti i buduću saradnju sa ovim domom kako bi posjete i druženje sa djecom ovog doma postali tradicija. Do kraja školske godine učenici će posjetiti i Zavod Pazarić i specijalni Zavod Mjedenica.

**Cilj projekta** Posjeta domovima ("Bjelave", "Pazarić" i "Mjedenica"); promovisanje postojanja i potreba ovih ustanova, pomaganje nezbrinutoj djeci u vidu donacija koje ćemo prethodno sakupiti u okviru naše škole; održavanje časova odjeljenjskih zajednica u obliku radionica na temu "neka humanost postane tradicija".

**SRCE ZA DJECU KOJA BOLUJU OD RAKA** | Grad: Sarajevo | Škola: Prva gimnazija | Oblast: Humanitarni

rad | Budžet projekta: 1.750 KM | Udio iz Fonda Socijalni dan: 750 KM

**O projektu** U saradnji sa udruženjem "Srce za djecu" učenici će organizovati radionicu za srednjoškolce o malignim oboljenjima. Nakon toga bit će organizovan koncert na sporskom igralištu "Metalac", a novac prikupljen od prodaje ulaznica koje će koštati 5 KM bit će doniran udruženju "Srce za djecu".

**Cilj projekta** Organizovati koncert na sportskom igralištu "Metalac" i novac sakupljen od prodaje ulaznica donirati udruženju "Srce za djecu".

**TOLERANCIJA JE COOL, BUDI S NAMA FULL** | Grad: Sarajevo | Škola: Srednja medicinska škola |

Oblast: **Kultura** | Budžet projekta: **1.500 KM** | Udio iz Fonda Socijalni dan: **1.000 KM**

**O projektu** Kroz ovaj projekat učenici će objaviti dva konkursa, konkurs za literarni rad “Četiri čarobne riječi” i konkurs za fotografiju “Tolerancija u svakodnevnom životu”. Nakon prikupljanja radova učenici će organizovati poetske večeri, na kojima će biti prezentovani najbolji literarni radovi, uz organizaciju izložbe najboljih fotografija (u prostoru Centra za mlade Gorica). Tokom ovog projekta učenici će snimiti i skeč, te će najbolje literarne radove, fotografije, objaviti u formi priručnika koji će se uz CD sa skečem distribuisati u sve srednje škole u Sarajevu za potrebe časova odjeljenjskih zajednica.

**Cilj projekta** Povećanje svijesti o važnosti tolerancije u svakodnevnom životu kroz navedene aktivnosti i edukaciju učenika na časovima uz pomoć priručnika za učenike i profesore (izražena je potreba za ovakvim sadržajem – priručnicima kojih je malo na tržištu).

**HUMANITARNI FOND SREDNJOŠKOLACA “HOĆU I JA”** | Grad: Sarajevo | Škola: Srednja

trgovačka škola | Oblast: **Humanitarni rad** | Budžet projekta: **1.800 KM** | Udio iz Fonda Socijalni dan: **900 KM**

**O projektu** Aktivnostima projekta Humanitarni fond srednjoškcolaca učenici će prikupi što veću svotu novca koja će biti iskorištena kao pomoć teško oboljelim mladim ljudima kojima je neophodna velika količina novca za liječenje, te srednjoškcolcima u teškoj materijalnoj situaciji. Fond bi se formirao i održavao na način da svaki srednjoškcolac na početku školske godine uplati ugovorenu svotu novca, a fondom bi upravljali sami srednjoškcolci preko Vijeća učenika. Projekat bi se trebao realizovati u saradnji sa svim srednjim školama u KS-u, uz pomoć resornog ministarstva, koje bi dozvolilo otvaranje žiro-računa na ime Humanitarnog fonda.

**Cilj projekta** Brža i efikasnija pomoć teško oboljelim srednjoškcolcima.



**LET'S (EX)CHANGE** | Grad: Sarajevo | Škola: Treća gimnazija | Oblast: Neformalno obrazovanje | Budžet projekta: 2.000 KM | Udio iz Fonda Socijalni dan: 1.500 KM

**O projektu** Projekat predstavlja razmjenu srednjoškolaca unutar BiH na jedan dan. Naime, učenici Treće gimnazije planiraju od 15.9. do 15.12.2013. godine svake druge subote održavati susrete srednjoškolaca na školskom igralištu. Ti učenici bi imali zadatak da predstave svoju školu kroz neku sportsku aktivnost ili aktivnost neke od školskih sekcija. Svaki susret bi bio idealna prilika za upoznavanje mladih ljudi, razmjenu iskustava, ideja, ali i način da se međusobno povežu, te razbiju predrasude o slaboj komunikaciji.

**Cilj projekta** Ujedinjenje mladih, te stvaranje bolje komunikacije između njih. Učenici će ostvariti dobru saradnju i s mladima iz drugih kantona i nastaviti druženja i poslije ovog projekta. Cilj je razmjena svega onoga što je pozitivno i poželjno za mlade ljude.

**UZ KOLAČIĆ SREĆE I SRCE JE VEĆE** | Grad: Sarajevo | Škola: Srednja zubotehnička škola | Oblast: Humanitarni rad | Budžet projekta: 92 KM | Udio iz Fonda Socijalni dan: 84 KM

**O projektu** Učenici Srednje zubotehničke škole Sarajevo kroz aktivnosti ovog projekta radit će humanitarnu akciju tako što će u okviru centralnog događaja prodavati kolačiće sreće (kolačići sa lijepim, pozitivnim porukama za svakoga), te na taj način zaraditi novac i donirati ga Zavodu za zaštitu djece i omladine u Pazariću, koji će svakako posjetiti i družiti se sa šticećenicima.

**Cilj projekta** Naš projekat ima za cilj pomoći šticećenicima Zavoda za zaštitu djece i omladine u Pazariću.

**HAJDEMO U PLANINE** | Grad: Sarajevo | Škola: Srednja škola za okoliš i drveni dizajn | Oblast: Neformalno obrazovanje i ekologija | Budžet projekta: 1.525 KM | Udio iz Fonda Socijalni dan: 1.500 KM

**O projektu** U realizaciju ovog projekta uključeni su i učenici Srednje zubotehničke škole i planinarsko društvo "Bjelašnica". Uz dogovor sa planinarskim društvom, učenici će odabrati rute kretanja, nabaviti opremu i održati planirane aktivnosti. Na terenu bi obučeni učenici iz obje škole dobili svoje grupe kojima bi u vremenskom trajanju od tri sata pokazali praktične vještine i prenijeli iskustvo sa obuke. Težište će biti na tri cjeline: snalaženje u prirodi, ekološka osviještenost, pomoć pri nezgodama i nepredviđenim situacijama u prirodi. Stručni nadzor bio bi povjeren planinarskim vodičima koji bi ujedno i ocijenili najboljeg vodiča i najuspješnije grupe.

**Cilj projekta** Obogatiti znanje učenika, podići svijest mladih ljudi o očuvanju i ophođenju prema prirodi za bolju budućnost nas samih i naše okoline.

**"ARBAJT, ARBAJT – GELD, GELD ZA EKO PROIZVOD"** | Grad: Srebrenica | Škola: Srednjoškolski centar Srebrenica | Oblast: Ekologija | Budžet projekta: 2.000 KM | Udio iz Fonda Socijalni dan: 1.500 KM

**O projektu** Učenici organizovani u vannastavnu aktivnost učeničkog preduzetništva formirali su učeničku kompaniju pod imenom "Arbajt, arbajt – geld, geld za eko proizvod". Kompanija će se baviti proizvodnjom eko proizvoda od jabuka koje se uzgajaju na području općine Srebrenica.

Uočljivo je da je dostupno puno voća a naročito jabuka na našem području i u našim baštama koje se ne mogu dugo zadržati u svježem stanju pa ih želimo preraditi u eko proizvod - jabukov pekmez i sirće. U okruženju, a i u samoj lokalnoj zajednici sve se više javlja potreba kod ljudi za zdravom hranom i sirćetom kao eliksirom zdravlja.

**Cilj projekta** Pružiti tržištu svjež i tehnološki ispravan proizvod od neprskanih kvalitetnih jabuka, uzgojenih na našem području.

## DOM SPORTOVA | Grad: Tešanj | Škola: Gimnazija "Musa Ćazim Ćatić" | Oblast: Sport | Budžet projekta: 2.085 KM |

Udio iz Fonda Socijalni dan: 1.500 KM

**O projektu** Vijeće učenika ove škole realizovat će projekat gradskog poligona koji je sada zapušten, prepušten sam sebi i udaljen od Gimnazije oko jedan kilometar, i spasiti ga od zaborava. Kroz aktivnosti ovog projekta učenici će obnoviti ovaj kompleks poligona (dva poligona i tribine) i vratiti mu stari sjaj i staru slavu.

**Cilj projekta** Povećati broj mladih koji se bave sportom u Tešnju, odnosno povećati količinu sportskih aktivnosti mladih. Očekivani rezultati su uređeni poligoni i postavljanje terena za odbojku, te organizovanje turnira za djevojke i muškarce sa najmanjim brojem od 100 učesnika.

## UPOZNAJ OPASNOST - NE ZABRANJUJ | Grad: Tešanj | Škola: JU Srednja tehnička škola | Oblast:

Neformalno obrazovanje | Budžet projekta: 2.100 KM | Udio iz Fonda Socijalni dan: 1.500 KM

**O projektu** U sklopu projekta predviđeno je upoznavanje djece, mladih i odraslih sa opasnostima kojima su djeca izložena prilikom korištenja interneta i društvenih mreža. Sama realizacija projekta sastoji se iz dva dijela: upoznavanja djece i odraslih putem organizovanja jednodnevnog punkta u gradu na kome će se dijeliti promotivni materijali na temu sigurnosti djece na internetu. Nakon toga učenici će organizovati seminar na temu "Sigurnost djece na internetu", a na istu temu za nastavnike i profesore informatike škola sa prostora općina Doboj, Doboj jug i Tešanj koji će kasnije u svojoj redovnoj nastavi upoznavati učenike sa opasnostima na internetu.

**Cilj projekta** Na kvalitetan i stručan način upoznati učenike i roditelje sa svakodnevnim opasnostima kojima su djeca izložena pri korištenju interneta i društvenih mreža.

**EDUKATIVNI KAMP VLAŠIĆ 2013/INTERAKTIVNI KAMP** | Grad: Travnik | Škola: Mješovita srednja tehnička škola | Oblast: Neformalno obrazovanje | Budžet projekta: 1.785,70 KM | Udio iz Fonda Socijalni dan: 1.500 KM

**O projektu** Edukativni kamp Vlašić 2013 je kamp edukativnog tipa u kome će učesnici, njih 20, dobiti edukaciju i usavršiti vještine na teme: timski rad, pisanje projektnih prijedloga, prezentovanje (javni nastup). Kamp će trajati dva dana na Vlašiću. Pored edukacije kamp je i društvenog karaktera sa dosta interakcije, slobodnih aktivnosti, zabave i druženja.

**Cilj projekta** Edukacija mladih ljudi o temama: timski rad, pisanje projektnih prijedloga i javnog nastupa.

**TRAVNIČKE LJETNE NOĆI** | Grad: Travnik | Škola: Mješovita srednja škola "Travnik" | Oblast: Kultura | Budžet projekta: 1.250 KM | Udio iz Fonda Socijalni dan: 850 KM

**O projektu** U dva dana realizacije projekta učenici ove škole upoznat će predstavnike svih škola sa područja ovog kantona sa kulturnim i historijskim znamenitostima grada Travnika na jedan neobičan način. Kroz aktivnosti ovog projekta učenici žele staviti mladima do znanja da je kulturna baština nešto više od samih spomenika i tradicionalne odjeće kroz zabavu i druženje.

**Cilj projekta** Svim učenicima srednjih škola na području Srednjobosanskog kantona povećati interes za kulturu, te podržavanje organa koji se brinu za očuvanje kulture i historije kroz razne edukativne programe.

**EKO PULS** | Grad: Tuzla | Škola: JU Gimnazija "Meša Selimović" | Oblast: Kultura | Budžet projekta: 1.765 KM | Udio iz Fonda Socijalni dan: 1.465 KM

**O projektu** Projekat je koncipiran tako da pokrene jednu novu energiju ekološke svijesti u Tuzli. Glavna tema projekta je recikliranje i podsticanje ljudi da svoj otpad recikliraju kada god je to moguće. Sve srednje škole će imati priliku da se uključe u ovaj projekat i

daju svoj doprinos. Učenici će postaviti kante za papir u više od 20 firmi i taj papir redovno sakupljati i reciklirati. U martu će napravili 10 velikih punktova po naseljima, na kolje će ljudi moći donijeti stari papir i tako pomoći 10 socijalno ugroženih porodica. Ovaj projekat ima on going karakter i nastavit će se i nakon aprila.

**Cilj projekta** Podizanje svijesti o ekologiji i važnosti recikliranja među srednjoškolcima i građanima; jednokratna pomoć za 10 socijalno ugroženih porodica; postavljanje kanti u firme koje bacaju puno papira na duži vremenski period. Ovim projektom se teži ka čistijem gradu.

**SLUŠAJMO ZAJEDNO** | Grad: Tuzla | Škola: JU MS Elektrotehnička škola | Oblast: Neformalno obrazovanje |

Budžet projekta: **6.439,60 KM** | Udio iz Fonda Socijalni dan: **1.500 KM**

**O projektu** Vijeće učenika JU Elektrotehnička škola Tuzla ovim projektom pomaže učenicima oštećenog sluha i govora koji pohađaju nastavu u JU Centar za obrazovanje i vaspitanje i rehabilitaciju slušanja i govora Tuzla da dobiju kvalitetne uslove za izvođenje grupne rehabilitacije slušanja i govora u prostorijama Centra.

**Cilj projekta** Osigurati i poboljšati uslove za kvalitetniji rad s djecom oštećenog sluha i ugrađenim kohlearnim implantatom.

**NASMIJ SE! ULJEPŠAJ SVOJ DAN :)** | Grad: Tuzla | Škola: JU Mješovita srednja mašinska škola Tuzla |

Oblast: **Humanitarni rad** | Budžet projekta: **463 KM** | Udio iz Fonda Socijalni dan: **363 KM**

**O projektu** Projekat "Nasmij se! Uljepšaj svoj dan" je osmišljen tako što će učenici praviti i dijeliti voćnu salatu na ulicama grada, te uz mnoštvo kreativnih, zabavnih i veselih aktivnosti uljepšati jedan dan u životu prolaznika te starih i iznemoglih lica. Ovim projektom učenici će ukazati i na činjenicu da se stanovništvo hrani vrlo nezdravo i da se hitno mora uraditi nešto po tom pitanju.

**Cilj projekta** Uljepšati jedan dan u životu građana te starih i pomalo zaboravljenih ljudi! Glavni cilj projekta jeste pokazati ljudima značaj kvalitetne ishrane i predstaviti koliko je brza prehrana nekvalitetna.

**NEKA NEKO BUDE EKO** | Grad: Tuzla | Škola: JU Gimnazija "Ismet Mujezinović" | Oblast: Ekologija, neformalno obrazovanje | Budžet projekta: 1.086,50 KM | Udio iz Fonda Socijalni dan: 921,50 KM

**O projektu** Realizacijom projekta "Neka neko bude eko" učenici će raditi na razvijanju ekološke svijesti kod građana ali i mladeži radi uočavanja problema okoline. Akcenat se stavlja na kreativne radionice, uličnu akciju, igre, te zabavu, što će podstaći građane i omladinu da uvide ekološke probleme i time ukažu na djelovanje istog.

**Cilj projekta** Neki od ciljeva projekta "Neka neko bude eko" su razvijanje ekološke svijesti građana kroz kreativne radionice, igru, i zabavu; reanimacija zapuštenih gradskih prostora, te stvaranje malih umjetničkih djela u prethodno očišćenom prostoru. Također, jedan od ciljeva je i organizacija izložbe u vidu priznanja, i rezultata uloženog napora, truda i samih vještina koje su građani stekli kroz prethodno organizovane radionice kojima bi se korisnicima omogućila drugačija i kvalitetnija raspodjela slobodnog vremena.

**PRVA POMOĆ ŽIVOT SPAŠAVA!** | Grad: Tuzla | Škola: JU Srednja medicinska škola | Oblast: Neformalno obrazovanje | Budžet projekta: 850 KM | Udio iz Fonda Socijalni dan: 750 KM

**O projektu** Ovim projektom planirano je da se prošire znanja o prednostima umijeća pružanja prve pomoći. Učesnici ove radionice bi trebali biti učenici dvije osnovne škole za područja općine Tuzla. Planirano je da se provedu četiri radne radionice, na kojima bi učenici stekli određena znanja o osnovima pružanja prve pomoći.

**Cilj projekta** Povećati broj učenika i nastavnika osnovnih škola općine Tuzla koji će znati na pravi način pružiti prvu pomoć i širiti to znanje na druge učenike. Specifični cilj: Edukovati 20 učenika osnovnih škola općine Tuzla o pojmu, važnosti i postupcima pružanja prve pomoći u mjesecu aprilu i maju 2013.

## OBRAZOVANJE (NE)GRADI BIH | Grad: Tuzla | Škola: JU Mješovita srednja građevinsko-geodetska škola |

Oblast: **Neformalno obrazovanje i kulturni rad** | Budžet projekta: **1.300 KM** | Udio iz Fonda Socijalni dan: **1.100 KM**

**O projektu** Projekat koji planiraju provesti učenici ove škole ima za cilj da se filmom prikaže trenutno stanje u obrazovanju na području TK-a. Učenici će razgovarati sa svojim vršnjacima o stanju u njihovoj školi, ali i sa starijim osobama koje će im reći nešto više o problematici u ovoj oblasti s profesionalnog gledišta. Pored toga, u film planiraju uključiti Ministarstvo obrazovanja, nauke, kulture i sporta kao "vlasnika" ove oblasti o kojoj će biti iznesene ne samo negativne već i pozitivne činjenice koje prate najljepši period života.

**Cilj projekta** Ukazati na probleme u obrazovanju u BiH sa akcentom na obrazovanje u TK-u. Prijedlog mladih ljudi za unapređenje obrazovanja iz njihovog ugla kao najboljeg stajališta za posmatranje obrazovanja.

## PLETEM JA, PLETEŠ TI | Grad: Tuzla | Škola: JU Turističko-ugostiteljska škola Tuzla | Oblast: Neformalno

obrazovanje | Budžet projekta: **2.250 KM** | Udio iz Fonda Socijalni dan: **1.500 KM**

**O projektu** Projekat je zasnovan na izgradnji svijesti o kreativnim potencijalima mladih i mogućnostima samostalnog organizovanja, rada i privređivanja u uslovima ekonomske krize. Osnovu projekta čine radionice pletenja, na kojima bi se zainteresovani učenici obučavali kako da pleću odjevne predmete (šalove, kape, modne šalove od konca, ukrasne dodatke i slično). U narednom koraku, završeni proizvodi bi se uz pomoć partnera iz privrede predstavili javnosti putem izložbi prodajnog karaktera, gdje bi se prikupljena sredstva usmjerila u nabavku novog materijala, organizaciju radionica pletenja, humanitarne akcije u okviru škole i slične aktivnosti.

**Cilj projekta** Da u periodu od tri mjeseca kroz intenzivan rad pruži učenicima iskustva iz prve ruke o kompletnom procesu poduzetničkog rada; od ideje do vođenja biznisa.

**ŠTO NAS IMA, MAŠALA!** | Grad: Tuzla | Škola: JU Srednja ekonomsko-trgovinska škola | Oblast: Neformalno obrazovanje | Budžet projekta: 2.600 KM | Udio iz Fonda Socijalni dan: 1.100 KM

**O projektu** Kroz ovaj projekat učenici će raditi na afirmaciji domaćih proizvoda i podizanju svijesti stanovnika BiH o značaju korištenja domaćih proizvoda. Učenici će izraditi bazu podataka o svim registrovanim domaćim preduzećima-proizvođačima i napraviti kratki film kojim će se uz edukativno-kreativne prezentacije raditi na osvješćivanju mladih ljudi, kao i popularisati domaći proizvodi. Centralna aktivnost je manifestacija "Što nas ima, mašala!", na kojoj će se uz zabavu i druženje razvijati svijest mladog čovjeka o važnosti domaće proizvodnje.

**Cilj projekta** Povećanje izvoza, smanjenje uvoza u državi; popularizacija i afirmacija domaćih proizvoda i brendova; podizanje svijesti građana o kvalitetu domaćih proizvoda i kupovini istih; težnja za postizanjem vodeće pozicije u pružanju informacija o domaćim preduzećima i mogućnostima nabavke domaćih proizvoda pa i online kupovinom.

**STANICA BUDUĆNOSTI - NAŠ TRAG U VREMENU** | Grad: Ugljevik | Škola: Srednjoškolski centar "Mihailo Petrović Alas" | Oblast: Ekologija | Budžet projekta: 1.750 KM | Udio iz Fonda Socijalni dan: 750 KM

**O projektu** Projekat obuhvata niz akcija koje će se realizovati u toku dvije sedmice i to: čišćenje zemljišta od ambrozije, čišćenje riječnog korita Janje i čišćenje okoline mosta od smeća. Nakon toga učenici će posaditi mlado drveće, postaviti klupe i stolove, kante i reflektore na ovo područje.

**Cilj projekta** Razvijanje svijesti o ekologiji kod mladih i osiguranje mjesta za okupljanje i druženje.



---

## OBNOVA I UREĐENJE GRADSKOG IGRALIŠTA | Grad: Uskoplje | Škola: Srednja škola "Uskoplje" |

Oblast: **Sport i kultura** | Budžet projekta: **2.000 KM** | Udio iz Fonda Socijalni dan: **1.500 KM**

**O projektu** Ovim projektom kroz restauraciju igrališta učenici će osigurati prostor za sportske aktivnosti u lokalnoj zajednici. Igralište je u devastiranom stanju i nema prostora za odmor i ostavljanje stvari, stoga je potrebno izdvojiti određena materijalna sredstva kako bi se ono obnovilo i bilo spremno za korištenje.

**Cilj projekta** Obnoviti i osposobiti svlačionicu na gradskom igralištu koja će služiti potrebama grada.

---

## NE BACAMO, STVARAMO! | Grad: Usora | Škola: Mješovita srednja škola Stjepana Radića | Oblast: Ekologija |

Budžet projekta: **560 KM** | Udio iz Fonda Socijalni dan: **430 KM**

**O projektu** Ovaj projekat usmjeren je na rješavanje ekoloških problema prisutnih u lokalnoj zajednici. U prvom dijelu projekta planirane su akcije čišćenja područja mjesta Žabljak na više lokacija (tamo gdje je najpotrebnije) i priprema otpada za reciklažu i kreativne radionice. U drugom dijelu projekta učenici će organizovati kreativne radionice u različitim školama. Završni događaj ovog projekta je organizovanje izložbe najboljih radova.

**Cilj projekta** Kroz kreativnost i njegovanje smisla za lijepo podići svijest prvenstveno mladih osoba o važnosti čuvanja prirode. "Otvoriti oči" našoj generaciji kako bi vidjeli da se ljepota može pronaći i tamo gdje se najmanje nadamo.

**PUTOKAZ U HISTORIJU NAŠE KULTURE** | Grad: **Velika Kladuša** | Škola: **JU II srednja škola** | Oblast:

**Ekologija i kultura** | Budžet projekta: **626 KM** | Udio iz Fonda Socijalni dan: **576 KM**

**O projektu** Učenici ove škole žele se aktivno uključiti u zajedničko rješavanje problema u zajednici koji se tiče Starog grada, smeća oko njega i slomljenih klupa, išaranih vrata i nepostojanja infotable koja bi turistima prikazala ljepote ove historijske građevine.

**Cilj projekta** Mnogi stanovnici ove lokalne zajednice uopće ne znaju ko je sagradio Stari grad, kada je sagrađen i zašto, pa bi učenici željeli da ih kroz ovaj projekat informišu o tome. Drugi cilj jeste privući pažnju potencijalnih turista i pružiti im informacije o značaju historijskih znamenitosti. Osim turista i ostali građani imali bi priliku informisati se o historijskim značajkama Staroga grada.

**PIANO KOJI NE PIJE** | Grad: **Velika Kladuša** | Škola: **Gimnazija Velika Kladuša** | Oblast: **Humanitarni rad,**

**neformalno obrazovanje i kultura** | Budžet projekta: **1.200 KM** | Udio iz Fonda Socijalni dan: **900 KM**

**O projektu** Projekat je zamišljen kao jednomjesečna priprema školske sekcije za priredbu. Ovim projektom učenici će osigurati opremu za horsku sekciju Kulturno-umjetničkog društva "Tono Hrovat", tačnije samo jedan električni klavir kojeg će kasnije koristiti u realizaciji svih kulturno-umjetničkih tačaka na priredbama. Rezultat projekta bit će završna priredba u junu/julu, koja će biti mjerljiv dokaz da smo uspjeli ujediniti potrebe škole, građana i prije svega mladih ljudi, koji će biti nosioci projekta.

**Cilj projekta** Dugoročno osigurati opremu za rad gradske horske sekcije, odnosno, dugoročno omogućiti kulturni angažman kroz neformalno obrazovanje na području muzičke kulture. Ovim projektom omogućili bismo i humanitarni rad, jer horska sekcija priređuje program koji se održava u Gradskoj sportskoj dvorani i na taj način, prodajom ulaznica, osigurava se odlazak maturanata na ekskurziju i sl.

**BE INFORMED ON TIME** | Grad: **Visoko** | Škola: **MSŠ Hazim Šabanović** | Oblast: **Kultura i neformalno obrazovanje** | Budžet projekta: **1.872 KM** | Udio iz Fonda Socijalni dan: **1.170 KM**

**O projektu** Ovim projektom učenici planiraju na površini ispred Pošte postaviti oglasnu tablu. Ova tabla bit će podijeljena na dva dijela. Desni dio oglasne ploče bit će namijenjen obavještenjima koja se tiču isključivo mladih, a sa lijeve strane postavljat će se sva ostala obavještenja i novosti koja se tiču svih ostalih građana, kao i primjerak makete grada Visoko, koja će biti od koristi turistima radi boljeg snalaženja u gradu. Mogućnost postavljanja oglasa bila bi pružena svima koji imaju potrebu da neku vijest podijele sa drugim građanima.

**Cilj projekta** Postaviti jedinstvenu oglasnu ploču zaštićenu od vanjskih uticaja i pomoći čitavoj lokalnoj zajednici pružanjem svih informacija na jednom mjestu, a samim tim bila bi uređena javna površina.

**“SPORT FEVER” ZABAVNI PARK** | Grad: **Visoko** | Škola: **Gimnazija Visoko** | Oblast: **Sport** | Budžet projekta: **3.530 KM** | Udio iz Fonda Socijalni dan: **1.500 KM**

**O projektu** Kroz aktivnosti ovog projekta učenici će raditi na izgradnji zabavnog parka za sportske aktivnosti na lokalitetu Ravne kod Visokog. Izgradnjom terena za stolni fudbal, stolni tenis, šah kao i terena - igrališta za mališane, učenici bi inicirali okupljanje građana i aktivirali druženje u prirodi uz sportske aktivnosti. Općina Visoko na svom lokalitetu ne posjeduje zabavni park te bi njegovom izgradnjom lokalna zajednica dobila prostor za adekvatno korištenje slobodnog vremena.

**Cilj projekta** Aktivno korištenje slobodnog vremena mladih i prevencija maloljetničke delinkvencije, razvijanje interesovanja za sportske aktivnosti, zaštita mentalnog zdravlja boravkom u prirodi i ekološka zaštita prirodne sredine (očuvanje i uređenje zelenih površina).

**ANDRIĆEVI JUNACI - ANDRIĆEVIM STAZAMA** | Grad: **Višegrad** | Škola: **JU SŠC "Ivo Andrić"** | Oblast: **Kultura** | Budžet projekta: **5.020 KM** | Udio iz Fonda Socijalni dan: **1.500 KM**

**Opis projekta** U vrijeme manifestacija posvećenih Ivi Andriću (Višegradska staza, obilježavanje godišnjice rođenja, smrti, Nobelove nagrade...) i vikendima do kraja 2013. godine, volonteri će se kostimirati u Andrićeve likove i omogućiti turistima da u društvu Andrićevih junaka i samog Andrića upoznaju znamenitosti grada Višegrada i Andrićgrada, te da osjete duh Andrićevog vremena. Također, turisti će moći da se fotografišu sa Andrićevim junacima, po simboličnoj cijeni, tako da će to biti jedan od izvora finansiranja za održivost ovog projekta.

**Cilj projekta** Glavni cilj projekta je poboljšanje turističke ponude grada, dok su podciljevi edukacija stanovnika i turista, ali i zadržavanje mladih ljudi u Višegradu.

**POMOZIMO ŠUMI DA SE PONOVO RODI I DIŠIMO SA NJOM** | Grad: **Zavidovići** | Škola: **JU Gimnazija "Rizah Odžević"** | Oblast: **Ekologija** | Budžet projekta: **2.200 KM** | Udio iz Fonda Socijalni dan: **1.500 KM**

**O projektu** Tokom trajanja ovog projekta učenici će posaditi 3.750 sadnica. Pošumljavanje bi se obavilo u toku četiri radna dana. Kroz druženje bi se razvijale radne navike, razmjenjivale neke nove ideje, edukovali se mladi o značaju prirodnih resursa i njihovoj ulozi u samom očuvanju okoline. Akcenat bi bio stavljen na razvijanje svijesti i edukaciju mladih o važnosti šume kao resursa te edukaciju o prevenciji požara.

**Cilj projekta** Društveno koristan rad učenika kroz pošumljavanje sadnica, te početak obnove požarima i sjećom ugroženih područja. Edukacija mladih o važnosti šuma za život te načinima sprečavanja požara.

**NA VRH BRDA ŠUMA MRDA** | Grad: **Zenica** | Škola: **Ekonomska škola** | Oblast: **Ekologija** | Budžet projekta: **652,50 KM** | Udio iz Fonda Socijalni dan: **552,50 KM**

**O projektu** Ovim projektom učenici će nastojati da djeluju na buđenje svijesti kod mladih ljudi i pokušat će zaustaviti dalje uništenje šuma. Projektom je predviđen niz aktivnosti kroz radionice za djecu mlađeg uzrasta u osnovnima školama, kao i ulična akcija, tokom koje bismo prodavali hemijske i upaljače sa logom projekta, uz objašnjenje cilja naše akcije, kao i promotivni party projekat u našoj školi, na kojem bismo kroz pjesmu i zabavu učenike naše škole osvijestili o problemu šuma i na koji način bi mogli malim djelima uveliko pomoći očuvanju naših prirodnih bogatstava.

**Cilj projekta** Animirati i aktivirati mlade, podići svijest o zaštiti šuma i društveno korisnom radu i ekologiji kroz praktične lokalne aktivnosti. Također, projektom učenici žele animirati širu lokalnu zajednicu i predstavnike vlasti za zdravu životnu sredinu.

**KRHKO JE ZNANJE - KNOWLEDGE IS FRAGILE** | Grad: **Zenica** | Škola: **Katolički školski centar "Sveti Pavao", Opća gimnazija** | Oblast: **Kultura** | Budžet projekta: **1.300 KM** | Udio iz Fonda Socijalni dan: **1.100 KM**

**O projektu** Kroz ovaj projekat učenici žele uticati na razvijanje kulturne svijesti mladih ljudi. Aktivnostima projekta učenici bi radili na podsticanju i popularizaciji čitanja književne literature, odlazaka u pozorište, muzej ili kino (ekranizacija velikih književnih djela). Centralni događaj projekta jeste dan pod nazivom "1 dan kulture". Tokom tog dana organizovali bismo aktivnosti koje bi imale za cilj podstaknuti učenike naše škole (ali i drugih srednjih škola) da razmisle o vlastitoj kulturnoj svijesti i vlastitom doprinosu društvu.

**Cilj projekta** Podsticanje kulturne svijesti mladih u današnjem društvu; popularizacija kulturnih događanja u Zenici kao i navika čitanja.

**NIJE SREĆA PARA PUNA VREĆA** | Grad: Zenica | Škola: JU Mješovita srednja škola | Oblast: Humanitarni rad | Budžet projekta: 1.430 KM | Udio iz Fonda Socijalni dan: 1.330 KM

**O projektu** U realizaciji ovog projekta učestvovat će dom za nezbrinutu djecu JU "DOM PORODICA". Sama realizacija projekta sastoji se od više glavnih aktivnosti: posjete štíćenika doma "Porodica" gradu Sarajevu, Multiplex ekranu Zenica, održavanje radionica sa štíćenicima, koje bi pomogle djeci iz doma da se razvijaju i da spoznaju svoje ključne kompetencije koje posjeduju i zajednička zabava za učenike naše škole i štíćenike doma za nezbrinutu djecu u Zenici, gdje bi učenici naše škole kao i djeca iz doma imali priliku da pokažu svoje pjevačke sposobnosti (karaoke *show*).

**Cilj projekta** Pomoći štíćenicima doma za nezbrinutu djecu tako što će im se pružiti prilika da upoznaju i druge krajeve Bosne i Hercegovine, ali isto tako, kroz razne radionice pokazati lokalnoj zajednici da oni nisu zaboravljeni u društvu.

**BOJAMA DUGE PROTIV TUGE** | Grad: Zenica | Škola: JU Mješovita srednja industrijska škola | Oblast: Humanitarni rad | Budžet projekta: 1.700 KM | Udio iz Fonda Socijalni dan: 1.500 KM

**O projektu** Kroz ovaj projekat učenici će okrećiti prostorije jedne "porodice" (prostorije za grupu djece od cca 100m<sup>2</sup>), te će zidove ukrasiti crtežima i raznim aplikacijama. Po završetku radova učenici će organizovati skromni *party*.

**Cilj projekta** Krećenje i uljepšavanje zidova u jednoj "porodici" (sklop prostorija sa cca 100m<sup>2</sup>).

**USREĆI SE, SVIJETE, ZAGRLI DIJETE** | Grad: **Zenica** | Škola: **Tehnička škola** | Oblast: **Neformalno obrazovanje i humanitarni rad** | Budžet projekta: **410 KM** | Udio iz Fonda Socijalni dan: **360 KM**

**O projektu** Projekat se sastoji iz dvije faze sakupljanja donacija (novac, slatkiši, hrana i igračke) u Tehničkoj školi u Zenici, te akcija po velikim tržnjim centrima i marketima i dijeljenja 101 paketića, ali i zajedničkog druženja uz pjesmu i stihove sa učenicima lošeg imovinskog stanja. Kroz aktivnosti ovog projekta učenici žele svojim vršnjacima pomoći, usrećiti ih i stvoriti im osjećaj važnosti, zajedništva i ravnopravnosti.

**Cilj projekta** Podstaknuti mlade ljude da postanu volonterski aktivni i općenito aktivni u društvu. Pokazati ljudima da smo svi članovi jedne zajednice bez obzira na zdravstveno stanje i trebamo postati dobri saradnici, sugrađani i prijatelji sa izgrađenim senzibilitetom jedni prema drugima.

**GRAD UKRASI – OKOLINU SPASI** | Grad: **Zenica** | Škola: **JU "Prva gimnazija"** | Oblast: **Ekologija** | Budžet projekta: **1.215 KM** | Udio iz Fonda Socijalni dan: **1.065 KM**

**O projektu** Ovaj projekat podrazumijeva formiranje punktova u gradu Zenica za prikupljanje PET ambalaže i limenki. Akcija bi se ponavljala dva puta mjesečno (subotom) tokom mjeseca aprila, maja i jedne subote u mjesecu junu. Prikupljena ambalaža će se iskoristiti u četiri svrhe: izrada viseće bašte na objektima obdaništa u naselju Crkvice, Doma za stara lica i Doma za nezbrinutu djecu; izradu fontane u dvorištu Doma za stara lica u Zenici; izradu kontejnera za prikupljanje PET ambalaže i njihovo pozicioniranje ispred Ekonomske škole, Muzičke škole, Druge gimnazije i Medicinske škole u Zenici; odvoženje preostalog dijela ambalaže u JP "ALBA" gdje bi se ista prodala, a novac bio iskorišten u humanitarne svrhe u saradnji sa NVO "ZENIČKO SRCE" Zenica.

**Cilj projekta** Projektom će se probuditi i podići na potreban nivo ekološka svijest stanovništva i učenika, a postići će se zapaženi rezultati na polju humanitarnog rada uz saradnju sa organizacijama te orijentacije.

**KINĐURIJADA** | Grad: **Živinice** | Škola: **JU Gimnazija Živinice** | Oblast: **Sport, kultura i zabava** | Budžet projekta: **1.692 KM** | Udio iz Fonda Socijalni dan: **1.292 KM**

**O projektu** Projekat "Kindurijada" ima za cilj organizovanje događaja za učenike gimnazija sa područja općina Živinice, Tuzla, Banovići i Kladanj, kao i za građane naše općine, te šticeenike Centra za djecu sa posebnim potrebama "Vrati mi osmijeh". Događaj bi imao kulturni i zabavni karakter a uključivao bi: kulturno-zabavni i sportsko-rekreativni program, bazar koji će se sastojati od unikatnih rukotvorina koje su rezultat talenta i rada učenika, kao i nadarenih građana naše općine i štandove sa raznim vrstama kolača i osvježenja.

**Cilj projekta** Umrežiti učenike sa područja općina Živinice, Kladanj, Banovići i Tuzla; promovisati sposobnosti i talente učesnika "Kindurijade"; povećati nivo kulturnih i zabavnih dešavanja u gradu; nastojati da ova manifestacija postane tradicionalna u našem gradu.



**Ukoliko želite pružiti podršku u realizaciji nekog od navedenih projekata, kontakt podatke srednjih škola učesnica u projektu Volontiraj – Kreditiraj možete pronaći na web stranici**

**[www.infohouse.ba](http://www.infohouse.ba)**

**ili**

**[www.volontirajkreditiraj.ba](http://www.volontirajkreditiraj.ba)**





IZRADU BROŠURE OMOGUĆILI:

OLOF PALME  
INTERNATIONAL  
CENTER



FRANZ  
Hilf!  
Franziskaner für  
Mittel- und Osteuropa



Opština  
Bijeljina



Grad na Drini



MRKONJIĆ GRAD



FMON  
FEDERATION OF MUNICIPALITIES OF BOSNIA AND HERZEGOVINA

SPARKASSE  
BANK

infohouse

Skenderija 15 | 71000 Sarajevo | 033 200 538 | 033 209 304

infohouse@infohouse.ba | www.infohouse.ba